

# Mimuya I Kungaho

 Ndi matsheloni, dzikhonani. Ndo takalela u vha fhano matsheloni ano, na u ḋivha u ni vhona noṭhe no bva, ri tshi tenda uri Murena u na riṇe ḥamusi, a tshi khou ri nea murunzi muṭuku, uri hu si fhise nga maanda hafha thaberenakeleni kha tshumelo ya nga matsheloni. Huno zwino ri . . .

<sup>2</sup> Ndi a tenda, hu na vhana . . . Naa vhana vho no balanganywa uri vha ye kilasini dzavho, Murathu Neville? Ndo vhona vhañwe vhathu vhatuku. A tho ngo tou ḋivha arali vho no balanganya kilasi uri dzi vhuyelete murahu ngomu mafhethu avho—avho manwe, ngomu lufherani lwavho lwa tshikolo tsha Swondaha.

<sup>3</sup> Zwino, nthabeleleni. Ndi na tsheo khulwane ye nda vha ndo tea u i dzhia madekwe, huno ndi fanela u i dzhia ḥamusi. Huno tshivhidzo kha tshi rabele. Ndi na—ndi na muṭangano u no khou tevhela, u henengei mukanoni wa Xaradeni ya Tsimbi kha la Dzhereman, huno ngauralo u a kwama zwiṭuku. Huno nthabeleleni. Huno ngauralo, zwi tou vha uri, ri nga thoma nga u ṭavhanya kha itsho tshitidamu tshihulu tsha khirikheth kha la Dzhereman, tshe Hitler a tshi ita nndwa i sa athu vha hone, fhetu havhudji huhulu, hu dzudza vhathu vha zwigidi zwa fumalo. Huno ri nga vha natsho lwa masiku a fumi, a tshi tevhekana. Huno ngauralo ri fulufhela u thoma ngomu henengei nga u ṭavhanya, huno zwenezwo ra ya ngei La Salle Lorraine, Fura, hu tevhelaho, zwenezwo ra ya Berlin, ra vhuya . . . ndi khou amba, Berlin vhukati ha afho na—na Fura.

<sup>4</sup> Zwenezwo ra vhuya, Murena a tshi funa, kha khuvhangano ngei Chicago. I thoma, ndi a elekanya, nga la vhuṭanu, la vhurathi, la vhusumbe, la vhumalo, na la vhuṭahe, ndi tshipida tshanga ngei Chicago, tsha khuvhangano tshi—tshivhidzoni tsha Sweden. Huno zwenezwo vhone ndi, Vho-Boze, vhañwe vha vhoinwi ni bvaho u mona na Chicago, vha na khuvhangano ye ya vha i tshi khou da ino i tevhelaho . . . i tshi thoma nga la u thoma la Thangule, kana la u thoma la Khubvumedzi, i kha, la Sweden. Huno ndo takala nga maanda u ḋivha uri u nkhetha havho, u da hangei, huno ho vha ho angaredzwa nahone hu ha phesente dla qana. Ndo zwi takalela izwo, fhedzi ndi tea u ya henengei kana afha fhasi zwino. Ni rabele uri Murena u do nthanga phanda kokotolo fhetu hune mimuya minzhi nga maandesa ya do tshidzwa, nahone zwa khwinesa zwa do itelwa Muvhuso wa Mudzimu. Zwino, vha na khuvhangano ḥenengei ntha, huno—huno vha kha la Sweden, huno o ri ri do vha na vhathu vha zwigidi zwa fumbilithanu, furaruthanu u thoma ngavho, kha khuvhangano, na vhuṇzhi ha avho vhathu vha songo tshidzwaho.

<sup>5</sup> Huno zwenezwo afha fhasi kha la Dzheremanе, zwo luga, vha na tshitiediamu tshi no dzudza vha zwigidi zwa fumalo. A hu na zwiñwe, riñe, kha la Switzerland hune ra kha di bvou ñuwa, ro vha na muñangano u mangadzaho henengei, huno vhunzhi ha vhoiñwi ñhañwe a ni athu pfa na kathihi. Murena o ri fhañtshedza nga maanda, ro vha na vharembuluwi vha zwigidi zwa futhanu nga masiku mañanu, ngei—ngei—ngei Zurich, Switzerland.

<sup>6</sup> Huno ngauralo, Mukomana Jack Shuler, vhunzhi hanu ni a mu ñivha, ndi Mumethodisi, mutukana wa mualuwa Bob Shuler. Vha ngei Belfast zwino, huno—huno vha khou sokou ganamisa fhethu, henehangei, u itela Mafhungo-madifha, huno nahone zwiñlwane u fhira zwe Billy Graham a vha nazwo muñanganoni wawe. Jack ndi muthu muswa wavhuñi nga maanda, o ñalahlo vhufuteleli na lufuno. Huno u—u tou vha a fulufhedzeaho khazwo u swika ndi tshi tenda uri ndi mulanda muñlwane wa Murena. Huno rabelelani Mukomana Shuler. Huno—huno ndi Jack Shuler, na Jack MacArthur ane na ene a vha nae. Mukomana Jack MacArthur ndi mureri muñlwane, na ene-vho. Huno henengei vhanna vha tshivhidzo vho ri ndi mvuseledzo khulwanesa ye ya vha ya rwa Ireland. Ngauralo nga maanda ri... Ri ya thabeloni duvha ñiñwe na ñiñwe u itela avho—u itela avho vhanna. Ndi vhañhannga vhuvhili havho, fhasi, ha i no ñodou swika ya fuiña, ndi a humbulela, kana fhasi, miña na zwiñwe-vho, nahone vhadededzi vha Mafhungo-madifha vhavhuñi vho khwañhaho, huno ri a vha funa.

<sup>7</sup> Huno zwino, ndi—ndi rabela uri ni si nkhangwe, uri, huno Mudzimu u ño ntendela u dzhia tsheo yone zwa zwino. Hu na zwiñhinga hune na sa ñivhe uri ni tea u khona ñdilani ifhio. Naa no no vhuya na dzhena kha ayo mafhethu? Ndi tenda uri Paulo o dzhena fhethu afho nga tshinwe tshifhinga, ho ngo ralo? Ho vha hu vhukati ha vhupatapata vhuvhili. Huno musi o ya hangei, mulandu, o vhona muruñwa kha bono we a mu vhudza, “Ida ngeno Makedonia.” Ngauralo Murena u kha di vha na Muruñwa Wawe, Ha ralo? Arali ndi tshi nga tou vha a ñitukufhadzaho mbiluni yanga nga hazwo sa zwe Paulo a vha e zwone.

<sup>8</sup> Huno zwino, madekwana a ñamusi, elelwani tshumelo dza Mafhungo-madifha fhano thaberakeleni, muthu muñwe na muñwe a bve. Vhoiñwi vhane na vha u mona na Louisville, ndi khou tea u amba kha Tshivhidzo tsha Vothi lo Vulwaho, madekwana a ñamusi, lwa awara mbili, nga hafu u bva kha awara ya sumbe u swika nga hafu u bva kha awara ya ñahe, ngei ha Mukomana Cobbles. Ndo vha ndi tshi khou ño ña luvhili fhano. Huno zwenezwo ndi munna wavhuñi nga maanda, huno o founa. Huno Mukomana Cobbles, ndi nzchinga yavhuñi nga maanda, mukomana. Inwi, ndi na ngoho ya uri no ñowelana, mukomana wavhuñi nga maanda, huno a tho ngo kona u muñlwala nga u ralo. Rabelani. Nga ñtha ha zwithu zweño,

rabelani, nahone ni rabele uri Mudzimu a ri ɳee tshe—tsheo yo teaho ine ra fanela u i dzhia.

<sup>9</sup> Zwino, ri sa athu thoma Mulaedza wa Mafhungo-mađifha, ri na matsheloni ane ra tea u kumedza vhana vhaṭuku. Huno ndi na muthu muṭuku fhano ane nda tea u mu kumedza, na ene-vho, kha Murena. Zwino, zwifhinga zwinzhi zwivhidzoni zwinzhi . . .

Ni a kona u pfa zwavhuđi, kule murahu? Arali ni tshi kona, zwo luga naa? Idzi fene hafha, ndi tou, a ni koni u tou ɖipfa. Hai, izwo, izwo zwo luga. Ndi a ofha uri ndi ɖo lovha ndi si nayo.

<sup>10</sup> Ngauralo vha—vhana vhaṭuku, zwiňwe zwifhinga vha a vha shasha, tshivhidzoni, musi vhe vhuskie vhutukuṭuku. Huno, a hu na zwiňwe, izwo zwi bva kha tshivhidzo tsha Kaṭolika, nga u ita vhana vhaṭuku vhakriste, kana “u vha lovhedza” musi vha tshi vha vhidza vha tshi tou vha vhana vhaṭuku. Tshivhidzo tsha Methodisi tsho i bvisela nn̄da, ya ndovhedzo ya lutshetshe, na zwinzhi, huno ndi elekanya zwo fhambanaho zwo engedzeaho. Ndi elekanya uri iyo ndi phambano vhukati ha Munazarini na Mumethodisi wa tshikalekale, ho vha hu ndovhedzo ya lutshetshe, nahone ha mbo vha na u kwashekana zwiṭuku na zwiňwe-vho. Fhedzi, naho hu ndila ifhio, a i, a thi elekanyi uri i na thaidzo lwo kalulesaho. Ngauri, iṭali, ndi elekanya uri Khalivari yo ṭalutshedza itsho tshithu, henehafho, kha zweṭhe zwatšo, ngauri Yesu o fa henengei u tshidza vhana vhaṭuku nahone a tshidza shango.

<sup>11</sup> Huno ńwana muṭuku, hu sa londwi uri u na lushaka-de lwa mubebi, uri ndi muvhī hani, izwo zwi nga si ite iňwe phambano-vho, ngauri Malofha a Yesu Kristo a a mu ḥanzwa, ni a vhona, huno iyi ndi Ngwana ya Mudzimu i no dzhia tshivhi tsha shango. Ulwo lushie lu nga si kone u shanduka. A lu ɖivhi uri lu nga shanduka hani. A lu na zwiitisi zwa u vha fhano, zwa lwone lunę. Lu nga si kone u ni vhudza uri ndi ngani lu fhano. Fhedzi Mudzimu o lu rumela ngeno, huno Malofha a Yesu Kristo a lu ḥanzwa nga tshenetsho tshifhinga tshine lwa da shangoni. Huno ndi u swika lu kha vhukale ha u ɖihindulela, zwenezwo lu ɖivha tsho teaho na tsho khakheaho, huno zwenezwo tshine lwa ita lu tea u shanduka kha zwine lwa ɖivha uri lwo ita tsho khakheaho. Izwo ndi zwone. Ngauralo, vhaňwe vhavho vha a vhu shasha, huno vha elekanya uri a vhu yi Tađulu.

<sup>12</sup> Huno hu na pfunzo ine ya ri arali lushie lwo bebwa nga vhabebi vha re na Muya Mukhethwa, zwo ralo, lushie lu ɖo ya Tađulu; fhedzi, arali lu songo ralo, a hu tshe na zwo engedzeaho khālwo, lushie lu tou vha lu si tsha vha hone. Izwo ndi khakho tshoṭhe-tshoṭhe. Naa zwi ita phambano-de uri kana ndi vhabebi vha re na Muya Mukhethwa? Ndi lutamo lwa vhudzekani lwoṭhe, huno lushie lu bebwa nga ndila yeneyo nthihi. Ngauralo, lwoṭhe lwo “bebela tshivhini, lwo vhumbea vhutshinyini, lu da

shangoni lu tshi khou amba mazwifhi.” Ayo, ayo ndi mavhang'a a Luñwalo alwo.

<sup>13</sup> Ngauralo, huno zwenezwo Malofha a Yesu Kristo a a tanzwa nahone a itela uyo ñwana tshipfumelo. Arali o fa, u ño ya lwo fhelelaho Vhuhoneni ha Mudzimu, arali o vha o bëbwa nga vhabebi vhavhi nga maandesa shangoni, u swika e kha vhukale ha u difhindulela hune a ñivha zwo teaho na zwo khakheaho. Huno zwenezwo zwine a ita, u bva zwenezwo, u tea u hangwelwa hezwo. U tea u humbela tshanduko ya ene muñe u bva zwenezwo. Fhedzi musi a tshi kha ñi vha lushie . . .

<sup>14</sup> Zwino, ndi ndila ine ra lingedza u tevhela, fhano kha thaberenakele. Ndî hone fhethu hu hothe shangoni hune nda ya, ndi rera Pfunzo, ndi fhano kha thaberenakele, ngauri itshi ndi tshivhidzo tshashu. Huno ri rera Pfunzo fhano u ita uri vhathu vha dzule vho luga. Vhañwe vhanna, zwivhidzoni zwavho, vha rera tshiñwe na tshiñwe tshine vha tenda. Huno vhone ndi vhakomana vhanga, huno ri nga ñi fhambana zwitukunyana, fhedzi ri kha ñi vha vhakomana nga ndila i fanaho. Huno, fhedzi fhano thaberenakele, ri rera zwine ra elekanya uri ndi Pfunzo ya Luñwalo. Huno, ngomu heneffo, ri vhona u kumedzwa ha vhana, zwine ra zwi vhidza u kumedza, tshifhinga tshi tshothe Bivhilini tshine ri nga wanulusa, kana hune kha Testamente Ntswa kha hune vhana vhañuku vha vhuya vha vha na tshiñwe tshitihu tshe vha vha vha tshi nga tea u tshi ita, kana he Kristo a vha na tshiñwe tshitihu tshe a vha a tshi nga ita tshone kha vhuñambo, tshi hone, O vha takula nga zwanda Zwawe huno a vhea zwanda Zwawe khavho nahone a vha fhañutshedza, huno a ri, “Litshani vhana vhañuku vha ñe de kha Nñe. Ni songo vha dzivhisa, ngauri Muvhuso wa Mudzimu ndi wa vha u ralo.”

<sup>15</sup> Zwino, ro siwa, vhunga ri tshi pfesesa, u isa phanda na mushumo une A ña u—u u khunyeledza. Lufu Lwawe ngei Khalivari, O vha e na riñe huno A tuwa kha...u bva ha Mudzimu, a dzhena shangoni, a vhuyelela ha Mudzimu, kana a bva shangoni a dzhena kha Mudzimu, huno a ña hafhu nga tshivhumbeo tsha Muya Mukhethwa, huno u na riñe, kha riñe, u swika vhufheloni ha shango, a tshi khou bvela phanda na mushumo wonoyo muthihi Tshivhidzoni Tshawe we A u ita musi O vha e hafha kha lifhasi. Huno, nga hoyo, ri isa vhana vhashu kha muriwe u ya kha muriwe, kha vhashumeli, huno vha a vha rabelela, vha vhea zwanda zwavho khavho huno vha vha kumedza kha Mudzimu. Vhu tou vha vhuñambo vhuñuku ha u amba zwauri ri takalela zwe Murena a ri itela zwone na vhana vhañuku.

<sup>16</sup> Zwino, arali muñku wanu o shashiwa, kana nga ndila ifhio ine zwa vha ngayo kha tshivhidzo tshañu, elekanyani. A ri ambi na tshitihu na tshitihhi tsha u lwa na hezwo. Zwo luga. Fhedzi, u ya nga Luñwalo, ri wana fhedzi fhethu huthihi, afho ndi he Yesu a vha fhañutshedza, Ene muñe. Afho ndi ño hu vhala, Murena a

tshi funa, kha—kha Ipfi hafha. Ri wana, kha Luka Mukhethwa yone... ndi a tenda uri ndi ndi—ndima ya 10, huno ri tshi thoma nga ndimana ya 13.

*Huno vha disa vhana vhaṭuku kha ene, uri a vha kwame: huno vhafunziwa vha we vha vha kaidza vhe vha vha disa.*

*Fhedzi musi Yesu a tshi zwi vhona, a ḥungufhala nga maanda, huno a ri khavho, Litshani vhana vhaṭuku u da kha nñe, huno ni songo vha dzivhisa: ngauri muvhuso wa Mudzimu ndi wa vha u ralo.*

*Ngoho Ndi ri kha inwi, Ane a sa do tanganedza muvhuso wa Mudzimu vhunga nwana muṭuku, a nga si dzhene khawo.*

*Huno a vha takula nga zwanda zwawe, huno a vhea zwanda zwawe khavho, huno a vha fhaṭutshedza.*

<sup>17</sup> Izwo zwi a funea? A ri, “Zwino, litshani vhana vhaṭuku u da kha Nñe. Ni songo vha dzivhisa, ngauri vha u ralo, vha no nga uyo nwana muṭuku, wavho ndi Muvhuso wa Mudzimu.” Huno A vha takula nga zwanda Zwawe huno a vha fhaṭutshedza.

<sup>18</sup> Zwino, nga ndila ye ra vha ri tshi ḥo funa, matsheloni ano, arali ro vha ri tshi nga vha na Yesu o dzula, sa muthu, hafha kha pulatifomo, ha pfi, “Murena, naa U nga fhaṭutshedza nwanganaga?” Oo, ndi mini... ngauri maṭo ashu a vhuthu na mbilu dzashu dzo ṭulutshelwa u vhona hezwo. Fhedzi U fhano, naho zwo ralo, ngauri U ri nea ndaela ya u zwi ita. Huno, vhunga ro ita, ngauralo Ene u a limuwa. Ri ḥanganedza avho vhe A vha ruma, ri ḥanganedza Uyo we a mu ruma, ni a vhona. Ngauralo, Ene u fhano matsheloni ano. Huno arali Khaladzi Gertie a tshi do da nthia kha piano huno a lidza luimbo lwashu lwa kale lwe ra vha ri tshi anzela u lu imba tshifhingani tshilapfu tsho fhiraho, ulu, “Vha dzheniseni, disani vhaṭuku kha Yesu.” Ndi tenda uri lu buguni heneffo huñwe fhethu. Nñe a thi na ngoho. “Disani vhatuku kha Yesu.” Huno arali ni na lushie, lushie lutuku lu sa athū kumedzwa, huno ni tshi ḥodou lu kumedza matsheloni ano, mulandu, ri ḥo takalela u zwi ita.

<sup>19</sup> Huno hu na vhañwe vhashumeli-vho ngomu tshifhaṭoni, vhareri vha no do tou ḥoda u tshimbila huno vha ima na riñe hafha musi ri tshi kumedzela avha vhana kha Murena? Ri ḥo takalela u vha navho, ni tshi khou da. Zwo luga, naa lu kha bugu heneffo? Ni a lu wana, Murathu Neville? A luho heneffo. Zwo luga, naa ndi vhangana vha no lu divha, *Vha Dzheniseni?* Zwo luga, kha ri lu imbe zwino. Roṭhe muñwe na muñwe, musi vhomme vha tshi disa vhushie havho. Zwo luga.

...dzeniseni, vha dzheniseni,  
Vha dzheniseni vha tshi bva masimuni a  
tshivhi;

Vha dzeniseni, vha dzeniseni,  
Diski vha tendelekaho kha Yesu.

Vha dzeniseni, vha dzeniseni,  
Vha dzeniseni vha tshi bva masimuni a  
tshiyhi;  
Vha dzeniseni, vha dzeniseni,  
Diski vhatuku kha Yesu.

<sup>20</sup> Ri do kotamisa zwifhaṭuwo zwashu lwa tshifhinganyana. Khotsi ashu wa Taḍulu, ro ima u mona na alitari matsheloni ano ho ima vhomme na vhokhotsi vho takula mađadzwane avho maṭuku zwandani zwavho, e Iwe nga tshilidzi wa vha nea one. Vha a a livhuwa nga maanda, Murena, huno vha khou a disa ngeno nthā kha alitari matsheloni ano, nduni ya Mudzimu, u a kumedza, u nekedza vhutshilo hao kha Iwe. Iwe wo nea. Huno ri a rabela, Mudzimu, uri U do lisa nahone wa fhaṭutshedza liñwe na liñwe lao. A range phanda, huno ngavhe Vharunwa vha u linda vha Mudzimu vha tshi linda liñwe na liñwe lao. A nee vhutshilo vhulapfu ha u takala na dakalo. Ngavhe a tshi aluwa a vha vhanna na vhasadzi vha Mudzimu, vha matshelo, arali hu na la matshelo.

<sup>21</sup> Mudzimu, ri rabela uri U do vusa vhareri na vhaporofita na vhadededzi kha itsi tshigwada tsha vhuskie vhu re u mona na alitari matsheloni ano. Huno musi ro no aluwa nahone ri si tsha kona u ya phanda, muñwe u tea u ri dzhia ra bva fhethu ra ya fhethu, ngavhe ri tshi kona u ima huno ra pfa Mafhungo-mađifha a tshi rerwa nga uvhu vhu re fhano namusi. Zwi tendele, Murena. Huno nga liñwe duvha la vhugala musi zwo no fhela, vhutshilo hashu ho no fhela, avha vhabebi vha re u mona na alitari, ngavhe ri tshi nga Yakobo wa mualuwa musi a tshi fhaṭutshedza vhana vhawehothe huno a vha vhudza zwine vhufhelo havho ha do vha zwone nga duvha la u fhedzisela. Zwenezwo a tshi sedza nthā, a ri, “Ni a divha, nne ndi do kuvhanganywa na vhatu vhanga.” Huno nga liñwe duvha la vhugala, ene na mađadzwane awe, vha do kuvhanganywa vhothe shangoni la khwine. A zwi mangadzi Biliamu o ri, “I ri vhufhelo hanga ha u fhedza vhu vhe nga ndila iyi.” Mudzimu, ndi rabela uri U do tendela idzi phaṭutshēdzo kha vhabebi.

<sup>22</sup> Huno zwino ri tshi ya u vhea zwanda khaho, zwi—zwi mangadza... Huno nga ndila ye Wa zwi ita nga u ūkuhala, Murena, zwauri riñe vhanna vha ili lifhasi ri do vha na pfanelo ya u fhaṭutshedza vhana vhatuku nga Dzina Lau, ri tshi divha izwi, zwauri, zwine ra zwi humbela, ri tendelwa zwone. Ri tshi ya u vha fhaṭutshedza, ngavhe Yesu, Muthu a sa vhonwi tshothe, Uyo a re na maanda othe a tshi ima tsini huno a fhaṭutshedza ñwana muñwe na muñwe ri tshi vhea zwanda zwashu khavho huno ra vha nekedza Khae. Ngauri ri zwi humbela nga Dzina Lawe. Amene.

<sup>23</sup> Mukomana Glenn Funk, u na vhana vhawé vhararu vhaṭuku uri vha kumedzwe kha Murena.

[Tshikhala kha theiphi. Mukomana Branham u kumedza vhushie—Mudz.]

. . . lu—lufhera luṭuku, kule ngei shangoni ḥa devhula, Wo mpfulufhedzisa uyu ḥwana. Khotsi, ngavhe phaṭhutshedzo Dzau dži tshi vha khae.

Joseph, mutukana wanga, ndi u ḥekedza kha Mudzimu. Huno ngavhe vhutshilo hau vhu tshi vha phaṭhutshedzo. Ngavhe u tshi vha muporofita, Joseph. Ngavhe tshilidzi tsha Mudzimu tshi tshi vha na iwe. Ngavhe Mudzimu wa khotsi au, Murena Yesu Kristo, a tshi u fhaṭutshedza u ya ho ya, a ita vhutshilo hau phaṭhutshedzo kha vhaṇwe.

Dzinani ḥa Yesu Kristo, ndi a mu fhaṭutshedza. Amene.

[Tshikhala kha theiphi. Mukomana Branham u kumedza vhushie—Mudz.]

<sup>24</sup> Ni a funa vhana vhaṭuku? Tshiṇwe tshithu nga ha vhana vhaṭuku ndi tshine mme muṇwe na muṇwe a khou ḥoda ḥwana wawe a tshi fhaṭutshedzwa.

Zwino, iyo ndi ndila ine Khotsi ashu wa Ṭadulu a vha zwone kha riṇe vhaaluwa matsheloni ano. U ḥoda muṇwe na muṇwe washu a tshi fhaṭutshedzwa. U ri vhea phanda ha tshiṇwe tshithu, u tou ri ḥea tshone, a tshi nga u ri, “Hafha, Ndi ḥoda u tshi fhaṭutshedzwa, ḥwana Wanga.” Naa Ha mangadzi? Ngauralo ri nga takalela Khotsi wa Ṭadulu wa vhulenda nga u ralo.

<sup>25</sup> Zwino, kha phaṭhutshedzo dza vhushie vhutuku, ni a divha, ndo vha ndi tshi khou tou vhala hafha Luṇwaloni liṇwe ḫuvha, huṇwe fhethu nga hangeno, ho vha hu kha Testamente Ndala, uri tshi—tshithu tshihulwane tshe nda—nda tshi takalela zwa vhukuma u tshi vhala. Ngetshi, henehafha. “Huno Nathaniele a ri kha Dafita, ‘Ita zweṭhe zwi re mbiluni yau, ngauri Mudzimu u na iwe.’” Ni a vhona? Ita tshi re mbiluni yau. Huno zwifhinga zwinzhi ndo—ndo wana izwi, khonani ya Mukriste, zwauri ndo amba zwithu ndi sa divhi zwe nda vha ndi tshi do amba, huno nda wanulusa uri zwi do khunyelela. Zwine na amba!

<sup>26</sup> Zweṭhe ambiwa nga tshiṇwe tshifhinga, Yesu o tsa thavhani huno A vhona muri we wa vha u si na tshithu khawo, hu tshi tou vha maṭari fhedzi, huno ho vha hu si na mutshelo, huno A ri, “A hu nga vhi na muthu a no ḥa kha iwe u bva zwino.”

<sup>27</sup> Huno ḫuvha li tevhelaho, vha tshi fhira, vhaapostola vha vhona maṭari o oma. A ri, “Vhonani uri muri wo ḥavhanya hani u oma.”

<sup>28</sup> Yesu a ri, “Ivhani na lutendo kha Mudzimu; ngauri tshithu tshiṇwe na tshiṇwe tshine na tama, musi ni tshi rabela, tendani uri ni a tshi ḥanganedza huno ni do vha natsho. Huno zwithu

zwiñwe na zwiñwe zwine na amba, ni do vha na zwine na amba.” Zwi elekanyeni izwo. Oo! Huno khañwe ñamusi, Muya Mukhethwa muhulwane wa Mudzimu, no ima hafha kha alitari, ni ri... Zwo luga, a hu tei u khavhiswa. A hu tei u vha huñwe fhethu huhulwane ho lugiswaho.

<sup>29</sup> Yakobo o kokodza tombo nga tshiñwe tshifhinga huno a siamedza thoho yaye khalo, humo ñamusi li kha di limuiwa sa Tombo la Tshikontsi. Kana, Tombo la Tshikontsi, le vhanna vhahulwane vha lifhasi vha kha di enda vho li hwala ilo tombo, uri khosi dzi rwelwe tarì nga nñha ha ili tombo, tombo zwaÑo la kale li re tsimuni.

Bethèle ho vha hu tshi tou vha thulwi ya matombo o thophekanaho, huno hu vha nnđu ya Mudzimu, fhethu ha u dzula. Yakobo o ri, “Fhano a si huñwe fhethu nga nnđa ha nnđu ya Mudzimu.” Hu tou vha thulwi ya matombo o thophekanaho.

<sup>30</sup> A zwi dzhii zwithu two lugiswaho zwiñhulwane. Zwi dzhia u leluwa na u tenda, ndi zwine zwa dzhia. Izwo ndi zwine zwa zwi ita.

<sup>31</sup> Zwino, ri tshi ñivha uri tshifhinga tshi a ñuwa hu si kale, ri do lingedza uri ri sa ni fareledze, ri tshi ñivha uri hu a fhisa nahone tshivhidzo tsho tsitsikana. Ngauralo ndi do tou amba na vhoinwi lwa zwifhinganyana zwi si gathi fhedzi matsheloni ano, nga ha thoho ñukhu hafha ine i nga kona... ndi a fulufhela uri i do vha thuso kha vhoinwi. Huno zwino nñe, ndi sa athu ya hayani, ndo ñwala fhasi zwithu zwiraru kana zwiñá. Ndo ri, “Ndi do lindela huno nda vhona zwine Murena a do ri ndi ambe nga hazwo musi ndi tshi swika henengei.” Ndo ñwala zwithu zwiñuku zwi no ñodou swika zwa rathi hafha fhasi, dzithoho ñukhu, huno ndo ñwala nthihi, nda i dzenisa tshikwamani tshanga ngaurali. Nda elekanya, “Zwo luga, musi ndi tshi ya kha phuluphithi khamusi U do mmbudza tshiñwe tshithu tshirendi nga amba nga hatsho.” Zwino ndi tou vha kule vhunga ndo vha ndi ngei nñha. Ngauralo, naho two ralo, ndi do vhala Luñwalo hafha, Murena nga a ri thuse u Lu pñesesa. Ñdimaya 14 ya Luka Mukhethwa, huno kha ri thome tsini na ya fura... ndimana ya 31 ya ndimaya 14 ya Luka Mukhethwa.

*Kana ndi ifhio khosi, i no khou yo ita nndwa na inwe khosi, ya sa thome ya dzula fhasi, huno ya rekanya arali i tshi kona i na vha zwigidi zwa fumi u tangana na uyo a no da u lwa nayo i na vha zwigidi zwa fumbili?*

*Kana arali zwi songo ralo, musi a tshi kha... a tshee kule nga maanda, a rumela mudinda hangei, huno a tama nyimele dza mulalo.*

*Ngauralo two ralo, kha vhoinwi ane...*

<sup>32</sup> Ndi ñoda inwi ni tshi dzhiela nzhele nga vhuronwane. Zwino, tsha u thoma O ri... Ndi tshifanyiso. O ri, “Zwino, ngeyo khosi i khou ña, huno i na maswole a zwigidi zwa fumbili; huno iyí

khosi i khou yo ḥangana nayo, huno yone i na maswole a zwigidi zwa fumi fhedzi. Ngauralo zwenezwo, tsha u thoma, i dzula fhasi huno ya vhudzisa arali yo ȳilugisa, uri kana i nga zwi ita kana hai.” Zwlo luga.

...*waŋu a sa furaleliho zwothe zwine a vha nazwo, a  
nga si vhe mufunziwa wanga.* (Ni a vhona?)

<sup>33</sup> Zwino ngavhe Murena a tshi inga phaṭhutshedzo Yawe kha ili Ipfi. Zwino ri nga kotamisa zwifhaṭuwo zwashu lwa tshifhinganyana fhedzi.

<sup>34</sup> Khotsi ashu wa Ṭadulu, Iwe A divhaho zwithu zwothe, nahone a sa ḥaluli khofheni ha muthu, ngauri muthu ndi mini ane Iwe wa mu eletwa? Wo ita muthu, huno u tou nga dzuvha la tsimuni: ḥamusi o naka, matshelo u a reňwa, a poselwa ovenini, huno a puta. Huno ndi a U rabela, Mudzimu, uri u ri khathutshele ḥamusi nahone u tendele muňwe na muňwe u ȳitola ḥamusi. Ri fhano vhunga ri nduni ya u khakhululwa. Ri fhano u guda na u divha uri ri tea u tshila hani, huno kha zwi bve kha Ipfi Lau ḥamusi, Oo Mudzimu wa U Ya Nga Hu Sa Pheli. Vhunzhi ha vhana Vhau vho kuvhangana ngomu, nahone vhunzhi havho vho no vha vhana Vhau lwa miňwaha, fhedzi, zwo ralo, rothe ri vhuyelela nduni ya Mudzimu, u guda, u divha. Huno nne, mulanda Wau, ndi tama u divha zwo engedzeaho nga ha Iwe. Huno ndi a rabela uri U do qisa u hevhedza ha Mafhongo-mađifha kha riňe rothe, kha mulanda Wau, na uri Vhuhone Hau, na u ri hevhedza kha tshino tshifhato, zwi do vha zwihiwlane nga maanda ḥamusi, lune ra do tuwa, mbilumi dzashu, ri tshi khou tama u vha vhalanda Vhau vha khwine, lune zwi do vha na mbuelo kha riňe u vha fhano. Oo Mudzimu wa khathutshelo, tendela phaṭhutshedzo idzi Dzinani la Yesu, Murwa Wau. Amene.

<sup>35</sup> Zwino ngavhe Murena a tshi inga phaṭhutshedzo Dzawe kha Ipfi ri tshi vhala. Ndi ḥoda u dzhia lin̄walwa matsheloni ano, la uri, “Mimuya i kungaho kana Ipfi la Mudzimu?” Zwino, i tou vha thoho isili, fhedzi ngauri hu thaberenakele ni... Huno vhusiku ha Lavhuraru ho fhiraho... Nga matsheloni a Swondaha yo fhiraho ndo vha ndi tshi khou amba nga ha mu-muhuvho muťuku wa Mafhongo-mađifha.

<sup>36</sup> Huno vhusiku ha Lavhuraru ho fhiraho ndo vha ndi tshi khou rera nga ha musadzi we a vha e na tha-thabulete n̄tha ha thoho yawe, kana yone... O xedza tshinwe tsha zwipiđa zwawe zwa lingwende, huno o vha a tshi khou swiela nn̄du nahone a tshi khou lingeda u tshi wana munna wawe a sa athu da. Huno nda da nda wanulusa uri uyo musadzi o vha e musadzi wa lushaka lwa vhubvađuvha, huno o... huno o imela Tshivhidzo. Huno bannda la mutshato lo vha li sa anzeli u ambarwa kha munwe. Lo vha li tshi ambarwa u budekanya ḥohoko, li na zwipiđa zwa ḥahe zwa siliva ngomu halo. Huno musi musadzi

a tshi vha murengisamuvhili, vho bvisa tshipida tshithihi tsha siliva huno vha sumbedza uri o vha e murengisamuvhili. Huno ngauralo musadzi uyu o vha o xedza tshiñwe tsha zwipiða, hu si murengisamuvhili. Fhedzi munna wawe o vha a siho, huno o vha a tshi khou lingedza u ɏavhanya u wana itsho tshipida, u tshi vhuyedzedza kha thabulete yawe, ngauri musi munna wawe a tshi ða u ðo ðivha uri o farwa e kha vhurengisamuvhili, huno zwi ðo amba u kwashea ha haya na zwiñwe-vho. Huno izwo ndo zwi shumisa lwa zwifhinganyana zwi si gathi kha tshiyhidzo, tsho xeletwa nga vhunzhi ha zwithu zwiñhulwane. Huno ndi tshifhinga tsha uri Khotsi a ðe, ngauralo ri tea u zwi zwima. Zwino, ri tshi ðivha tshiyhidzoni tshashu, na thaberanakele yashu . . .

<sup>37</sup> Huno ndi—ndi ðoda u amba nga ha *Mimuya I Kungaho*, zwine zwa vhukuma yo vha i tshi nga ñewa ðoho ya *Vhudimoni*. Ni pfa zwinzhi nga ha madimoni, a ano maduvha, fhedzi ni pfa zwiñku nga maanda nga ha uri ni nga a sunda hani. Riñe roþe ri—ri a zwi ðivha zwavhudìuri hu na vhodiabolo, fhedzi, tshithu tshi tevhelaho ndi uri, itsho tshithu tshi nga sundwa hani. Huno zwino hu na . . . Ri na, nga khathutshelo ya Mudzimu, tshifhinga tshinzhi tsha u dzhia vhukando kha izwi zwithu zwi no pfi madimoni, na u ɏangana nazwo kha pulatifomo na kha lwendo lwa ðuvha na ðuvha, nahone, mulandu, ndi ðo takalela u sedza Luñwaloni matsheloni ano huno nda wanulusa uri izwo zwithu zwi tou vha mini.

<sup>38</sup> Zwino, ro zwi shumisa tshumeloni ya phodzo, tshifhinga tshoþhe siani ɏa phodzo. Pfuko, tshizwimbo, tshitsiraiþ, lufhiha, izwo zwithu zwoþhe a si zwithu zwa mupo, ndi zwa ñha ha mupo huno ndi madimoni. Luñwalo lu khwaþisedza izwo zwi khagala. Fhedzi izwo ndi madimoni muvhilini, na zwibvo, vhunga pfuko, i na vhutshilo ngomu hayo, huno vhutshilo hayo ndi dimoni. Tshibvo tsha tshitsiraiþ, u phaðalala ha lufhiha, na manwe malwadze, ndi madimoni. Izwo zwi nga tshivhumbeo tsha muvhilini.

<sup>39</sup> Zwino, matsheloni ano ri khou yo amba—amba nga ha madimoni nga tshivhumbeo tsha myua tuyani. A tuyani û fana na musi e muvhilini. Huno ri tea u tenda uri ri a a vhona mivhilini ya vhathu, a no nga dzipfuko na—na malwadze o fhambanaho a re muvhilini wa muthu.

<sup>40</sup> Zwa zwenezwino, pfuko na yone yo ðivhadzwa sa vhulwadze ha tshiimo tsha vhuna, uri vhu kha tshiñwe tshiimo. Ngoho, ndi vhudimoni. Vhulwadze vhuñwe na vhuñwe ndi vhulwadze ha tshiimo tsha vhuna, mathomo aho.

<sup>41</sup> Zwino, fhedzi zwino pfuko muvhilini kana pfuko tuyani, dimoni li nga ða huñwe ha afho fhetu. Zwino, hu na zwifhinga zwinzhi na vhathu vhanzhi vha re na mihumbulo yavhudì ine . . . na vhathu vhavhudì vha no lingedza zwifhinga zwinzhi u—u ðitika nga inwe theolodzhi ɏukhu ine vha vha nayo, kana

tshiñwe tshithu tshe vha funzwa u bva hanani, huno vha kha di wana uri fhasi ngomu ha vhuvha havho, fhasi muyani wavho, uri vha kha di vha na tshiñwe tshithu tshi songo teaho. Inwi, vhanzhi vha hone fhano matsheloni ano, a hu na na u timatima uri huñwe na huñwe hune na wana Vhakriste vho kuvhangana fhethu huthihi, ni wana vhathu vha re na iyo mimuya ngomu havho, ine vha . . . A zwi tamisi. A vha i todi. Vha ri, “Oo, arali ndi tshi nga litsha fhedzi u amba mazwifhi! Arali ndi tshi nga litsha fhedzi u emula! Arali ndi tshi nga litsha fhedzi *itshi* kana *itsho!*” Zwino, avho ndi vhodiabolo. Huno, zwino, vha da nga tshivhumbeo tsha vhurereli, tshifhinga tshinzhi. (Ngauri hu tshikolo tsha Swondaha, ndi tshifhinga tsha u funza, ngauralo kha ri sedze ngomu ha izwi.) Zwino, vha da nga tshivhumbeo tsha vhurereli, tshifhinga tshinzhi.

<sup>42</sup> Zwino, Luñwaloni, luthihi, ho vha hu na munna we dzina a vha a tshi pfi Josafati, munna muhulwane, munna wa vhurereli. Huno o ya kha inwe khosi ye ya vha i khosi ya—ya Israele. Huno ene, Josafati, e khosi ya Yuda. Huno a tsela fhasi ngei ha Ahaba, khosi ya Israele, huno vhothe vha ita vhukonani, huno vha ita pfano, u ya vha Iwa ngei Ramothe-Gileada. Huno vho zwi ita nn̄dani ha u rabela u thoma.

<sup>43</sup> Oo, arali vhathu vha tshi nga limuha fhedzi! Ndi ngazwo ndi tshi da matsheloni ano huno nda humbela uri ni nnyelelwé ndi tshi ya seli ha lwanzhe. Kha zwithu zweþhe, rabelani!

Muñwe o da liñwe duvha huno a ri, “Mukomana Branham, naa ni elekanya uri zwe khakhea u ita tshiñwe tshithu?”

<sup>44</sup> Nda ri, “Ndi ngani ni tshi vhudzisa nga hazwo?” Ni a vhona? Arali hu na mbudziso þhalukanyoni yanu, zwi litsheni, ni songo zwi ita na luthihi. Itonu dzula na zwenezwo. Musi ni tshi thoma u ita tshiñwe tshithu, huno arali hu mbudziso ya uri kana tsho tea kana tsho khakhea, dzulani kule hatsho. Ni songo dzhena khatsho na luthihi, zwenezwo ni a ðivha uri no luga.

<sup>45</sup> Zwino, zwithu zweþhe zwi tea u sedzuluswa nga thabelo, u thoma. “Tsha u thoma ðodani Muvhuso wa Mudzimu na u luga Hawo, huno izwi zwiñwe zwithu zweþhe zwi do ingiwa.” Nñe ndi na ngoho tshothe matsheloni ano, arali vhanna na vhasadzi vha tshi nga dzhena fhedzi kha vhuimo vhune muya wavho, kuelekanye kwavho, vhudifari havho, zwa do vha zwe fhelelaho maþoni a Mudzimu, itsho tshi do vha tshiñwe tsha zwivhidzo zwi re na maanda nga maandesa zwe zwa vhuya zwa vha hone.

<sup>46</sup> Sedzani fhedzi lwa zwifhinganya zwi si gathi kha muvhili. Zwino, riñe ri, na, zwifhinga zwinzhi, lwa miñwaha ri na, ri na tshine ra tshi vhidza “mutshini wa u þola mazwifhi.” Ni nga u vhea kha tshinungu tshañu, na u vhea u budekanya thoho dzavho—dzavho, huno ni nga dzhena ngomu heneffho huno na lingedza zwanu zwa khwinesa u ita uri mazwifhi a

pfale vhunga ngoho, huno u do redzhisiṭara uri a si ngoho tshifhinga tshothe, ngauri muthu ho ngo itelwa u zwifha. U zwifha ndi tshithu tsha vhufhura, tshi kondaho, tshithu tshivhi. Ndi do lumba nda vha na tshidakwa, linwe duvha-vho, u fhira muzwifhi. Ni a vhona? Muzwifhi! Huno muvhili waṇu a wo ngo itelwa u zwifha. A hu londwi uri ni muvhani, ni kha di vha murwa o waho wa Mudzimu. Muthu muvhini nga maandesa mudini uno ḥamusi, Mudzimu ho ngo ṭoda ni tshi vha muvhini. O ṭoda ni tshi vha murwa kana ḥwananyana Wawe. No itwa nga tshifanyiso Tsha Ene muṇe. Fhedzi tshivhi tsho ni vhangela u ita hezwo. Huno a hu londwi uri ni lingedza u edzisela zwingafhani nahone na lingedza u ita uri mazwifhi a vhonale o luga, vha na tshishumiswa tsha saints tshi no sumbedza uri o khakhea. Ni nga a amba na u sa vha na mulandu hothe hune na ṭoda, fhedzi tshi do di redzhisiṭara uri a si ngoho; ngauri hu na ḥalukanyo i sa ḥalukanyi ngomu ha muthu, huno iyo ḥalukanyo i sa ḥalukanyi i a divha zwine zwa vha ngoho. Huno a hu londwi zwine na khou amba ngeno nnda, iyo ḥalukanyo i sa ḥalukanyi i a zwi divha uri ayo ndi mazwifhi, huno tshi do redzhisiṭara kha ḥalukanyo i sa ḥalukanyi.

<sup>47</sup> Ngauralo-ha, arali munna kana musadzi vha tshi nga vhuya vha ita uri mihumbulo yavho, na vhuṭanzi havho na vhutshilo havho vhu vhe ndilani nga maanda na Mudzimu (amene) u swika ndila ya Muya Mukhethwa i tshi vha yo fhelelaho na Mudzimu, hu do iteani! Arali munna na musadzi vha tshi nga vhuya vha vha ndilani, hune nga mbofholowo i bvaho mbiluni dzavho, na lutendo lu bvaho nga ngomu vhukuma!

<sup>48</sup> Vhatu vhanzhi vha da kha aliṭari uri vha rabelelwe, vha na lutendo lwa ndivho. Vha bula zwivhi zwavho huno vha vha mirado ya tshivhidzo, nga lutendo lwa ndivho. Vha a zwi tenda kha ḥalukanyo yavho—yavho. Vha a zwi tenda ngauri vho zwi pfa. Vha a zwi tenda ngauri vha a zwi divha uri ndi mbekanya maitele ya khwinesa. Fhedzi itsho a si tshine Mudzimu a tshi sedza. Ha sedzi lutendo lwaṇu lwa ndivho.

<sup>49</sup> U sedza kha mbilu, hune nga ngomu Mudzimu... Huno musi lu tshi bva mbiluni, zwenezwo zwithu zweṭhe zwi a konadzea. U dibula hanu hu anana na vhutshilo hanu. Vhutshilo hanu vhu ḥambela nthā vhunga u dibula hanu.

<sup>50</sup> Fhedzi musi u dibula hanu hu tshi amba tshiñwe tshithu, huno vhutshilo hanu vhu tshi tshila tshiñwe, hu na tshiñwe tshithu tsho khakheaho huñwe fhethu. Izwo ndi ngauri ni na lutendo lwa ndivho, huno hu si lutendo lu bvaho mbiluni yaṇu. Huno izwo zwi sumbedza afho nnda, *hafha*, ndi ndivho ya Mudzimu; fhedzi nga ngomu, *hafha*, ndi dimoni li timatimaho. “Ndi tenda kha phodzo ya Muya, fhedzi a si yanga.” Ni a vhona? “Ah, zwi nga di vha nga u ralo, fhedzi a thi zwi tendi.” Ni a zwi ppesesa? Nga nnda, inwi ni ri “ee”; nga ngomu, luvalo lwaṇu lu

ri "hai." Itsho tshithu tshithihi tsha saintszi tshi ḍo sumbedza uri izwo zwe vha zwi songo luga, tsha zwi sumbedza.

<sup>51</sup> Dzhielani nzhele musi idzi khosi, dzi sa athu thoma, dzo tea u vha na . . . Josafati a sa athu vhuya a ita pfano na Ahaba, o vha o tea u vha o thoma a ri, "Kha ri rabele huno ri vhone zwine lufuno lwa Murena lwa vha zwone."

<sup>52</sup> Nneeni mureri, nneeni Mukriste, nneeni mufaramuṭa a re Mukriste, nneeni mulimi, kana mushumi wa limagani, ane a do rangisa Mudzimu phanda kha tshiñwe na tshiñwe, ndi ḍo ni sumbedza munna a no ḍo bvelela naho hu na zwe the zwine Diabolo a nga zwi vhea khae. U ṭoda Mudzimu, u thoma. Ri fanela u thoma ra vha na . . .

<sup>53</sup> Fhedzi a vho ngo zwi ita. Vho vha vha sa vhonali tshoṭhe nge Ahaba a vha e na muvhuso muhulwane u penyaho, huno o vha o ita vhunzhi ha zwithu, nahone o vha e na khavhisu khulwane dzawe, musuku wawe na siliva yawe, o vha e munna muhulwane, a bvelelaho, nangwe o vha e a sa tendi.

<sup>54</sup> Huno afho ndi hune shango la vha hone namusi. Afho ndi hune Amerika la ima hone namusi. Afho ndi hune zwivhidzo zwa ima hone namusi. Ro fhaṭa zwiñwe zwa zwivhidzo zwa khwinesa zwe zwa vhuya zwa fhaṭiwa. Ro no vha na zwiñwe zwa zwikola zwe pholishwaho lwa khwinesa zwe ra vhuya ra vha nazwo. Ro no funza iñwe ya theolodzhi ya khwinesa, na zwiñwe-vho, nahone ra guda u imba vhunga Vharuñwa, fhedzi naho zwe ralo hu na u shaya nungo huñwe fhethu. Hu na u shaya nungo, nge vha tevhela pfunzo ya muthu na mimuya i kungaho, vhudzuloni ha u vhuyeleta kha Ipfi la Mudzimu. Vha lingedza u ita zwithu uri zwi fane na shango. Vho no lingedza u vhea mbone dici penyaho khalo, vhunga Hollywood.

<sup>55</sup> Phano nga liñwe duvha, dinomineisheni i ḫivheaho, fhethu ha Mafhundo-madifha O Dalaho ngei Kansas City, kana, ndi humbela pfarelo, ngei Denver, kha khuvhangano, i khou fhaṭa kereke ya dołara dza milioni. Huno vhafunziruñwa vha zwigidi vho lindela sente dza fuṭhanu dici bvaho kha dinomineisheni yeneyo nthihi, u hwala Mafhundo-madifha a iswa kha vhahedeni. Tshine ra tshi ṭoda namusi ndi mvuseledzo i re na thalukanyo ya vhurumiwa, yo ruñwaho nga Mudzimu, yo bebwaho nga Muya Mukhethwa, ine ya ḍo vha na u futelela ha Mudzimu, u sukumedzela nnnda ngomu maṭakani hangei huno ya itela Mudzimu tshiñwe tshithu, vhudzuloni ha u fhaṭa dzikereke khulu, dzavhudzi huno ra lingedza u fhira mudzulatsini.

<sup>56</sup> Ndi ḍo lumba nda luvha ngomu ha vhurumiwa, he ha swielwa, kana lufhera lwa barani, huno nda vha na mbofholowo ya Muya Mukhethwa na lufuno lwa Mudzimu lu tshi fhisa mbiluni dzashu, u fhira u dzula kerekenei khulu ine ra vha nayo shangoni huno ra gadelwa pfunzo dza muthu na dzidogima.

Tshine ra tshi ṭoda ḥamusi ndi mvuseledzo i dzinginyisaho, vhuyeletani kha Ngoho, vhuyeletani kha Ipfi la Mudzimu hafhu.

<sup>57</sup> Zwino, musi vha tshi bvela nn̄da heneffo, huno ho vha hu n̄ga murahu ha tshifhinganyana Josafati o no dzivhuluwa huno a ri, “A tho ngo . . . Zwo luga, kha ri vhudzise Murena nga ha izwi.”

<sup>58</sup> A ri, “Zwo luga,” Ahaba a ralo, huno a rumela fhasi huno a wana dana, mađana mađa a vhareri vho pfumbudzwaho zwavhudi. Huno a vha ḫisa henengei n̄tha huno a ri, “Avha ndi vhaporofiti vhothe.”

<sup>59</sup> Huno ngauralo vha dzhena kha nyungeledzo dzavho, huno vha thoma u vhidzelela. Huno vha ri, “Ee, inwi gonyani nga mulalo. Murena u na inwi.”

<sup>60</sup> Huno zwenezwo nga murahu ha musi avho vhothe vha mađana mađa vho no nea vhutanzi ha uri vha tea u gonya nga mulalo, nangwe Josafati a tshi ḫivha . . . Naa ni a zwi pfesesa? Ni a vhona, fhasi ngomu mbiluni ya uyo munna o lugaho ho vha hu na tshiñwe tshithu tshe a vhudzwa uri ho vha hu na thunzi ngomu ha tshidolo huñe fhethu. Tshiñwe tshithu tsho vha tsho khakhea.

<sup>61</sup> Ahaba o ri, “Zwino ri na vha mađana mađa fhano, nahone vhe kha lithihi, muñwe na muñwe wavho u ri, ‘Iyani, Murena u na inwi.’”

Fhedzi Josafati a ri, “A ni na muñwe hafhu?”

<sup>62</sup> A ri, “Zwo luga, ri ṭodani nga muñwe hafhu, nga murahu ha musi ro wana vha mađana mađa vha vhanna vho funzwaho lwa khwinesa shangoni? Vhothe vha khou ri, ‘Iyani!’” Avho vho vha vhe vha n̄divho. Fhedzi fhasi mbiluni ya Josafati o zwi ḫivha uri ho vha hu na tshiñwe tsho khakheaho. Zwino, a ri, “Ri na muñwe hafhu, ndi Mika. Fhedzi ndi a mu vhenga.” Ha pfi, “Tshifhinga tshothe u amba tshiñwe tshithu tshivhi, huno u a bva hune a sa tee u vha hone, nahone u khou wisa zwivhidzo na tshiñwe na tshiñwe.” Ha pfi, “Ndi a mu vhenga.”

Ha pfi, “Iyani, ni wane, huno kha ri vhone zwine a do amba.”

<sup>63</sup> Huno musi Mika a tshi da, a ri . . . Vho ri, “Zwino, sedzani, inwi ni ambe zwenezwo zwithihi vhañwe no salaho.”

<sup>64</sup> A ri, o ri, “Fhedzi ndi do . . .” Ngezwi. “Ndi do amba fhedzi zwine Mudzimu a amba.” Amene. “A hu londwi uri muporofita wañu u ri mini, na zwine uyu a amba, na zwine tshivhidzo tshañu tsha amba, na zwine vha amba. Ndi do amba zwine Mudzimu a amba. Mudzimu o vhea milomoni yanga huno ndi do amba zwine A amba.” Zwine ra ṭoda ḥamusi ndi vhañwe VhoMika vho engedzeaho vha no do amba zwe Mudzimu a amba. Dzhielani nzhele, ngauralo vho mu gonyisa henengei, huno a ri, “Nqeeni madekwana a ḥamusi.” Ngauralo vhusiku uvho Murena a ḥangana nae, huno a vhuaya nga matsheloni a tevhelaho. Musi idzo khosi mbili dzo dzula khoroni, a ri, “Gonyani n̄tha.” Ha pfi,

“Gonyani nt̄ha. Fhedzi,” ha pfi, “Ndo vhona Israele vhunga nngu dzo balanganaho dzi si na mulisa.”

<sup>65</sup> Ngauralo uyu mureri muthihi, o ambara tshothe, a sendela huno a mu bamudza mulomoni, huno a ri, “Naa Muya wa Mudzimu wo ya thungo ifhio musi U tshi bva kha nñe?”

Ha pfi, “Ni do wanulusa musi ni tshi vhuya.” Ee.

<sup>66</sup> A ri, “Thetshelesani hafha!” A ri, “Ri vhalanda vha Mudzimu. Ri vha mañana maña, huno inwi ni muthihi.”

<sup>67</sup> Fhedzi Mika a ri, “Ndi do ni vhudza hune vhuleme hanu ha vha hone.” Amene! Ha pfi, “Ndo vhona bono.” Amene! A ri, “Huno ndo vhona Mudzimu o dzula kha khulunoni Yawe. Ndo vhona magogo a Tadulu o ima o Mu tingeledza. Huno ri a zwi ñivha uri Ipfi la Mudzimu lo bulu masamba kha uyu munna, nga ñwambo wa ndila ye a ita yone.”

<sup>68</sup> Inwi ni nga si kone u fhañutshedza zwe Mudzimu a zwi sema, na Diabolo a nga si seme zwe Mudzimu a zwi fhañutshedza. Ndi fhungo la muthu, a hu londwi uri ndi mushai hani kana ndo tsiluhala hani, a tho ngo gudiswa hani, a tho ngo funzwa hani. Zwe Mudzimu a zwi fhañutshedza zwe fhañutshedzwa. Zwe Mudzimu a zwi sema zwe señwa. Ñivhani u fhambanya zwe lugaho na zwe khakheaho.

<sup>69</sup> Mika o zwi ñivha zwavhuði na uri zwe luga uri uyo o vha a si Murena we a vha e na avho vhareri. Ndi zwone, naa thaidzo yo vha i mini kha avho vhareri? Dzhielani nzhele zwe vha ita. Vho vha vho ambadzwa lwa khwinesa. Vho vha vho kanzwiwa lwa khwinesa. Vho vha vho no kuvhangana fhethu huthihi kha zwimima zwavho na zwiñwe-vho, na pfano dzavho, u swika fhethu ho no vha hune vha vha vho ñivha fhedzi theolodzhi ya vhone vhañe. Huno Bivhili yo amba zwauri Mika, musi o vha o sedza bono, o ri, “Mudzimu o ri, ‘Naa ndi nnyi ane ri nga mu wana wa u tsela fhasi henengei huno a fhura Ahaba?’ Huno maya wa u zwifha wa ri, ‘Ndi do tsela fhasi henengei huno nda kunga Ahaba nga avho vhareri, u vhanga uri Ahaba a bve a ye henengei, u itela uri Ipfi la Mudzimu li khunyelele.’”

<sup>70</sup> Zwino, ñamusi vhatu vhanzhi nga maanda vha khou thetshelesa! (Zwino, tshikolo tsha Swondaha, ndi a tshi funa.) Sedzani, vhatu vhanzhi nga maanda vha khou thetshelesa mimuya i kungaho vhudzuloni ha u dzhia Ipfi la Mudzimu. Mimuya, i hone shangoni. Ndi madimoni. Huno i a bva ya dzhena mafhethu nahone ya dzhena vhukati ha vhanna, vhashumeli. I dzhena vhukati ha mirado ya tshiyhidzo. I dzhena vhukati ha vhatu vhavhuði. Huno i vha vhangela uri vha dzhene kha u tendeleka. Huno vha amba zwithu, huno vha ita zwithu, huno vha funza zwithu, nahone vha ita ndowe-ndowe ya zwithu, zwe fhambanaho na Ipfi la Mudzimu. Ñamusi, vhashumeli vha tshiyhidzo tshavho vha khou tendela vhatu vhavho u tambo magaraña zwivhidzoni, vhunzhi havho. Zwino, a vha tou vha

tshothe vha Katolika, hu na vhanzhi vha Porotestanti vha no ita hezwo.

<sup>71</sup> Zwe vha lingedza u ita ndi tshiñwe tshithu tsha tshiimela. Vho lingedza u tanganedza iñwe pułane ntswa. Vho lingedza u tanganedza pfunzo, u dzhia vhuimo ha Muya Mukhethwa. Ni nga si kone u zwi ita na kathihi, a hu londwi uri munna wanu o funzea zwavhudzi hani. Ndi elekanya uri ndi tshithu tshavhudzi tsha uri ene a funzee. Fhedzi arali a si na Muya Mukhethwa na yone, pfunzo yawe a i nga mu farisi tshithu. Pfunzo i nga si dzhie fhethu ha vhurangaphanda ha Muya Mukhethwa. Amene.

<sup>72</sup> Dzhielani nzhele, vhone, vhudzuloni ha Heli, vho lingedza u tanganedza u khadana u itela tshenzhemo ya tshifhingani tsha kale ye ra vha ri tshi anzela u vha nayo. Namusi tshivhidzo tsho no vha tsha musalauno. Vha a tshimbila huno vha nekedza tshanda tsha u la tshavho tsha vhuçama, huno izwo ndi malugana na ndila ine vha zwi ita. Fhedzi vhu nga si dzhie fhethu ha bannga ya mulidzi wa tshikalekale he vhaftazwivhi vha vhidzelela huno vha lugisa mafhungo avho na Mudzimu. Izwo ndi zwone.

<sup>73</sup> Namusi vha khou lingedza u dzhia fhethu ha u bvisa tshafumi tsha Mudzimu. Vha khou lingedza u tanganedza tshiñwe tshithu. Vha khou lingedza u tshi ita tsho fhambanaho. Vha tsela fhasi huno vha vha na mitambo ya vhufhura zwivhidzoni, vha tambo lothari. Lothari i nga si dzhie fhethu ha u bvisa tshafumi tsha Mudzimu. Zwilalelo, thengiso ya mabai, mishashadzo, u kuvhanganya tshelede u badela zwikolodo zwe fhambanaho, zwi nga si dzhie fhethu ha tshafumi tsha Mudzimu tsha U Ya Nga Hu Sa Fheli na munikelo na kathihi. Zwi nga si do zwi ita na kathihi. Fhedzi naho zwe ralo ri khou lingedza u zwi ita.

<sup>74</sup> Naa ndi mini? Ndi mimuya i kungaho i tselaho fhasi, i no khou lingedza u ime-... vha ita tshiñwe tshithu tshiimela tsha Ipfi la Mudzimu. Mudzimu ha na tshiimela tsha Ipfi Lawe. Ndi la U Ya Nga Hu Sa Fheli na lini na lini. Mudzimu ha na tshithu tsha u imela lutendo. Lutendo a lu na tshiimela. Fulufhelo li nga si dzhie fhethu ha lutendo na kathihi. Lutendo lu lwothe. Lu ima lu lwothe. Na kathihi lu nga si dzhie... Fulufhelo li nga si dzhie fhethu halwo na kathihi. Fulufhelo ndi u vha na vhungoho ha zwithu zwe fulufhelwaho, vhuçanzi ha zwithu zwi sa vhonwi, kana lutendo lwo ralo, kha ndi ralo. Ni a vhona? Fulufhelo ndi tshiñwe tshithu; lutendo ndi tshiñwe. Fulufhelo li a zwi fulufhela; lutendo lwo zwi wana. Tshiñwe ndi lutendo lwa ndivho; huno tshiñwe ndi nzumbululo yo livhanaho ya Mudzimu. Li nga si dzhie fhethu halwo na kathihi. Ri khou lingedza, fhedzi ri khou ita izwi zwiimela zwothe.

<sup>75</sup> Ri khou lingedza u fhaña zwivhidzo zwihulwane vhudzuloni ha u rumela mufunziruňwa. Tshiñwe tshiimela. Yesu ho ngo ta

muñwe muthu na kathihi u fhaṭa kereke. Na kathihi a yo ngo tiwa Bivhilini. Ro imisa dziseminari, vho tendela izwo zwi tshi dzhia fhethu ha mufunziruñwa. Riñe . . . Yesu ho ngo ri vhudza u fhaṭa semina na kathihi. Dzone dzo luga. Pfunzo, hu tshi khou lingedzwa uri izwo zwi dzhie fhethu. Na kathihi zwi nga si zwi ite. Ndaela ya Yesu yo vha i ya “u ya shangoni lothe na u rera Mafhungo-madifha kha tshivhumbwa tshiñwe na tshiñwe,” u itela tshifhinga tsha vhufhelo. Ngauralo zwiimela zweithe zwine ra vha nazwo na kathihi zwi nga si dzhie fhethu ha zwa vhukumakuma.

<sup>76</sup> Nga liñwe duvha ndo do vha na tshenzhemo, tshiimela. Ndo do vha na lino langa la u thoma, nda tea u kula lino. Matsheloni ano ndo wana lino la mafaneda lo pangwa ngomu henefho. Ndi nga si kone na u amba. Li nga si dzhie fhethu ha la vhukuma na kathihi. Hai, muñe wanga! Oo, nnenne!

<sup>77</sup> Inwi ni nga di dzhia munna na mu ambadza, na mu ita nga thanda, tshoko, tshiñwe na tshiñwe tshine na ḥoda, nahone na mu lugisa nga maanda. Ha na vhudipfi, a hu na luvalo. A nga si dzhie fhethu ha muñwe munna-vho wa vhukuma. Na yone thembuluwo i si ya tshithu ine ya tshimbila nahone ya ri, “Ndo no vha murado wa tshivhidzo. Ndi do lingedza u ita khwine.” Zwi nga si dzhie fhethu ha thembuluwo ya vhukumakuma ya tshikalekale, yo ruñwaho nga Mudzimu, ya Muya-Mukhethwa i no ita munna uri a vhe o fhambanaho mbiluni yawe. Zwi nga si zwi ite, ngauri a hu na Vhutshilo khazwo. A hu na tshithu tsha u mu nea Vhutshilo.

<sup>78</sup> Fhano a si kale ndo vhona mutsila muhulwane we a disa hetshi, muvhadaive, ndi khou amba, we a ita itshi tshifanyiso tsha Mushe. Ndi nga si kone u vhidza dzina lawe zwino. Ndi mutsila wa Mugerika. Zwo mu dzhielo vhutshilo hawo. Huno musi o tshi wana nga u ralo he a elekanya nga hatsho lwo fhelelaho nga maanda, a vha a takadzeswaho nga tshifanyiso tsha Mushe u swika a tshi rwa gona latsho, huno a ri, “Ambo, Mushe!” Tsho vhonala tshi tsha vhukuma nga maanda! Tsho vha tsho fanyiswa nga maanda lwo fhelelaho nga maanda u swika tshi tshi sedzea nga maanda vhunga Mushe, kha muhumbulo wawe, lwe a rwa nga hamula u tshi ita uri tshi vhe na vhudipfi.

<sup>79</sup> Zwi dzeniseni ḥhalukanyoni ya tshivhidzo. A hu londwi uri ni vha na tshiimela zwingafhani, ni wana tshivhidzo tshihulu hani, ni imba zwavhuđi hani nyimbo dzañu, tshivhidzo tshanu tshi ambara zwavhuđi hani, no wana zwingafhani zwa *itshi, itsho*, kana *tshiñwe*, ni nga rwa, na pfa, naho hu mini. Zwi nga si dzhie fhethu ha Vhutshilo, u swika Kristo a tshi tsela fhasi nga tshivhumbeo tsha Muya Mukhethwa, ngomu ha itsho tshivhidzo, nahone wa tshi nea tshenzhemo ntswa ya u bebwa hafhu. Zwi nga si dzhie fhethu ha Ipfi la Mudzimu na kathihi. Ipfi la Mudzimu li ima li lothe.

<sup>80</sup> Mika o vha e na Ipfi. O zwi divha uri o vha e na Ipfi. O vha e na Ipfi lo nwaliwa, o vha e Nało na nga bono. O zwi divha zwe Mudzimu a amba kha Ipfi Lawe. U a zwi divha zwe Mudzimu a amba nga bono. Vhuvhili hazwo zwi da zwe the. O zwi divha uri ho vha hu Ngoho, ngauralo-ha o vha a sa ofhi.

<sup>81</sup> Fhedzi uyu myua u kungaho, sedzani zwe wa ita, namusi. U ita mirađo yo engedzeaho ya tshivhidzo, u ita mirađo ya khwine ya tshivhidzo, zwo wisa dzingole kha pfunzo yothe ya tshikalekale ya Muya Mukhethwa. Zwo tendela vhanna u vha na zwimima zwa matshilisano, nnđa kha basimennde he vha vha vha tshi do tambo mitambo. Izwo zwi nga si vhe na tshiimela tsha lufhera lwa nga ntha, he vha vha tshi khou rabela u humbela Muya Mukhethwa. Zwo tendela vhasadzi u da fhethu huthihi huno vha ita muswaswo na tshithu, huno vha vha na vhučafučafu vhunzhi vhume ha sa vhe na tshithu khavho. Izwo zwi nga si dzhie fhethu ha mučangano wa thabelo. Vhasadzi, nga ndila ine vha bva nahone vha ambara namusi, ndi—ndi thoni.

<sup>82</sup> Ndo pfa lihumbulwa le Murathu Neville a ita, ha pfi, “Vhathu vha vhashai vha Amerika,” ha pfi, “vho rumela zwiambaro zwavho zwe the seli ha lwanzhe.” Izwo ndi zwone. Vha khou tshimbila u mona hothe nga zwiambaro zwavho zwa tsini. Vhone . . . Izwo ndi zwone. Vha fanela u vha vho zwi nea vhafunziruňwa, ngauri mufunziruňwa . . . Vhathu na vhahedeni kha liňwe shango vha khou zwi ambara. Avha vhathu vha khou tshila vha si nazwo, vha vhonala unga vha a zwi funa.

<sup>83</sup> Ndi do ni vhudza, hu na tshiňwe tshithu tsho shandiwaho, huno itsho ndi u rerwa ha Mafhungo-madjifha a Murena Yesu Kristo. Ndi madimoni a no bvula zwiambaro zwanu. Na kathihi a ho ngo vha na muthu nga nnđa ha muthihi Bivhilini we a vhuya a kherula zwiambaro zwawe khae, uyo o vha e munna we a vha e na madimoni. Huno u da nga tshivhumbeo tsho vuđaho namusi, vhunga u na matshilisano, vhunga ndi wavhuđi, vhunga zwo luga. “Ndi mutsho u rotholelaho, huno u do ni ita uri ni rotholele arali ni tshi do bvula zwiambaro zwanu.” Munna a tshi khou tshimbila ntha na fhasi dzidzharačani, huno e fhedzi lwa hafu, na vhasadzi nga u tou ralo. Mulandu, ni khou vha nga u ralo lune a hu tshe na dzihompho u fhira dze dza vha dici hone dza dzimmbwa, nga tshadzo. Naa thaidzo ndi mini? A thi khou lingedza u ni vhaisa. Ndi khou lingedza fhedzi u ni vhudza uri ndi u vha na madimoni, huno ni khou thetshelesa mimuya i kungaho i no khou ni vhudza, “izwo zwo luga,” fhedzi ndi mazwifhi.

<sup>84</sup> Thoro ya goroi i do bveledza fhedzi goroi. Arali ni Mukriste, ni nga si zwi ite izwo. Ni nga si zwi ite. Ni tou vha ni si nga zwi iti. Ni na lutendo lwa ndivho na ri, “Mukomana Branham, ndi tenda Bivhili.” Vhutshilo hanu vhu amba zwauri a ni ralo. Amene. Mimuya i kungaho yo livhana na Ipfi la Mudzimu.

<sup>85</sup> O divha he a vha o ima hone, Mika o ralo. O vha e na Ipfi la Mudzimu. O vha e munna a sa takalelwi nga maanda. A hu na we a mu takalela nge a amba Ngoho, naho vho takalela avha vhareri.

<sup>86</sup> Zwino, tshiñwe tshithu tshe tsha itea. Ndi a tenda na u elekanya uri muñwe munna-vho a re na tshenzhemo na Mudzimu, kana musadzi, u a tea u vha na vhudipfi zwiñuku. Ndi tou zwi tenda. Izwo ndi zwone. Fhedzi ni a zwi divha uri mini? Vho ḥanganedza u vha na vhudipfi u itela ndovhedzo ya Muya Mukhethwa. Vha tou wana phosho nnzhi, huno hu si na tshithu khayo. Inwi tshilani tshikhethwa vhunga ni tshi tshila lwa phosho, zwenezwo ni do luga. Vhudipfi zwa vhukuma ho luga; “nyonyoloso ya muvhili i na mbuelo zwiñuku.” Fhedzi mimuya i kungaho yo no pfukela nga hangei kha tshigwada tsha vhukhethwa tsha vhathe, huno vha navho nga la u ditika “ngauri vha a kona u ḥavha mukosi” kana “ngauri vha a kona u tshina, ngauri vha a kona u ita vhudipfi.”

<sup>87</sup> Ula muthu wa mualuwa ngei fhasi, muhulwane wa avho vhaporofita vhothe, vhareri, o vha e na ngoho nga maanda ya uri o vha o luga, uri o q̄iitela phere ya ḥanga huno a tshina u mona hothe, huno a ita bonyongo l̄ihulu. O vha a tshi khou yo sukumēdzela iñwe mmbi ya Assyria nnnda ha shango. Fhedzi ho vha hu mazwifhi! Ipfi la Mudzimu lo vha lo no amba zwe fhambanaho. Amene. Ni a vhona, ni nga di vha o lugaho kha vhudipfi, arali ni na lushaka lwo lugaho lwa madipfele murahu hazwo, lushaka lwo lugaho lwa vhudipfi lu tshi sudzulusa vhudipfi hañu.

<sup>88</sup> Dafita o tshina phanda ha Murena, huno mufumakadzi wawe a mu sea. Huno Mudzimu o sedza fhasi e ṭadulu, ha pfi, “Dafita, u munna ane mbilu Yanga N̄ne muñe ya mu takalela.” Fhedzi ndivho dzawe dzo vha dzo luga. Vhutshilo hawe ho vha ho luga, murahu hazwo.

<sup>89</sup> Ngauralo, nga u tou ri ri nga vha vha re na vhudipfi, a zwi ambi uri ro tshidzwa. Ngauri ri ya kerekene, a zwi ambi uri ro tshidzwa. Ni songo tenda iyo mimuya i kungaho. Muya wa vhukuma wa Mudzimu, Ipfi la vhukuma la Mudzimu, ndi Ngoho ya Mudzimu; l̄ine la vha Mbeu ya Mudzimu, li do bveledza Mudzimu vhutshiloni hañu; ivhani a ofhaho Mudzimu, o khetheaho, mukhethwa.

<sup>90</sup> Vhukati ha vhunzhi ha vhathe ri wana hune vhudipfi, na zwiñwe-vho, heneffo hu vha na u amba zwi songo daho na u pomoka, na tshakha dzothe dza zwithu zwa u sa ofha Mudzimu. Mukomana, iyo ndi esidi ya salifa tshiyhidzoni. Ndi maanda a madimoni. Muya wa vhanna na vhasadzi une wa dzhena vhukati havho, huno wa lingedza u sukumēdzela kule, u ri, “Itshi a tsho ngo luga, huno itshi a tsho ngo luga, na itsho a tsho ngo luga.” Arali ni tshi do zwi pandamedza, kañahé kha fumi ndi

onoyo muthu a no ita mufhirifhiri, izwo a zwo ngo luga. Amene. Mudzimu u vhenga u luṭana vhukati ha vharathu. Ivhani vha re na khuliso, ivhani vhakhethwa, funani Mudzimu, imani Nae. Huno zwenezwo ni tshi khou ḋivha uri vhutshilo hanu vhu andāna na Bivhili, na u ṭamba ha mbilu, u ṭamba ha muhumbulo, lufuno kha mukomana waṇu, ni tshi lingedza zwine na kona u fhaṭa Muvhuso wa Mudzimu, huno ni tshi khou ita izwo zwithu, ni tshi ambara nga ndila yo lugaho, ni tshi khou tshila nga ndila yo lugaho, ni tshi khou amba nga ndila yo lugaho, ni tshi ya mafhethu o lugaho, zwenezwo ni nga vha na vhudipfi hoṭhe vhune na ḥoda, huno muṇwe na muṇwe u ḫo do zwi tenda.

<sup>91</sup> Yesu o ri, “Ni muṇo wa shango. Arali muṇo u si tshe na u lungwa hawo, u bva zwino a u tsha vha wa ndeme, u tea u laṭwa nn̄da huno wa kandekanywa nga fhasi ha mulenzhe wa muthu.” Arali ni tshi tou vha muṇo fhedzi, a si zwavhuḍi. Fhedzi arali ni na u lungwa khawo, ni vhe a re na muṇo huno shango li do vha na dora. Inwi ivhani na muṇo, vhone vha ḫo do vha na dora. Yawee, nn̄nenne!

<sup>92</sup> Mimuya i kungaho i no khou ya, madimoni a ḫikanganyedzaho. Sedzani, ri kha ḫuvha la u fhedzisela. Ri tshifhingani tsha vhufhelo. Shango li tsini na u lugela u ḫa kha ḫoho yalo, vhunga tshimota tshi vhavhaho hunwe fhethu tshi no khou yo thuthuba nga liñwe ḫa aya mađuvha huno tshihindini ha fhufhela nn̄da hatsho. Lo no tshikafhala. A hu na mushonga une u nga li fhodza. Vho landula se—seramu. Vho landula dzilafho. Inwi dzhiani tshimota tshi no khou takuwa heneffo, huno arali ni sa dzhii penisilini kana tshiñwe tshithu tsha u tshi thuthekanya, kana tshiñwe tshithu tshiñwe-vho, tshi ḫo do tou dzulela u kukumuwa u swika tshi tshi balea.

<sup>93</sup> Izwo ndi zwe shango ḫa ita. Lo thoma, a si kale-kale, u litshedza. Vho thoma kha muhumbulo muhuluhulu, mimuya i si ya ngoho i a dzhena huno ya thoma u vhudza vhathu *itshi, itsho*, kana *tshiñwe*. Ro kwashekana ra bva zwipiḍa zwa ḫatahe na dziñwe dinomineisheni dzo fhambanaho, iñwe na iñwe i na muhumbulo wo fhambanaho. Vha ri, “Riñe ri tenda *iyi*, phiriodi! Ndi zwenezwo fhedzi zwine ra tenda.” Vha nga si kone u tendela Muya Mukhethwa u dzhena. Vha nga si kone u vha na pfanelo ya u bvela phanda. Mudzimu u na tshivhalonyana tsha vhathu vhane vha kona u ṭavha mukosi, zwenezwo muṇwe na muṇwe u tea u ṭavha mukosi. Vha na vhañwe vhane vha nga kona u amba nga dzindimi, zwenezwo muṇwe na muṇwe o ḫo tea u amba nga dzindimi. Vha na zweṭhe ngaurali, u swika zwi tshi vha (mini?) zwo tshikafhalaho vhukumakuma nga mimuya i kungaho, i tshi kunga vhathu u ita uvhu vhudipfi ngeno hu si na Mudzimu khazwo na luthihi. Zwenezwo vha a bva huno vha tshila luñwe lushaka-vho lwa vhutshilo vhune vha tama u vhu tshila, huno zwenezwo vha zwi vhidza “Mukriste.”

<sup>94</sup> Huno shango li a dzula nahone ḥa sedza, ḥa ri, “Zwo luga, sedzani hangei! Nñe ndi wavhuđi u fana navho.”

<sup>95</sup> Vhunga ndo amba vhusiku nga ha nguluvhe ya mboho, nga ha muitazwivhi. Ni nga si vhee mulandu... Muitazwivhi ndi muitazwivhi. Ni songo lingedza u mu khakulula. Ni songo lingedza u mu vhudza *itshi*, *itsho*, kana *tshiñwe*. Ndi muitazwivhi, tsha u thoma. Ndi nguluvhe, tsha u thoma. Ha divhi phambano. Arali a tshi ya dzifilimuni, huno a tshi ya nga Swondaha, nahone a tshi ya kha mitambo ya dzibola, nahone a tshi ita izwi zwithu zweþe, ndi muitazwivhi, tsha u thoma. Mvelo yawe i nga nguluvhe ya mboho. Nguluvhe ya mboho ya kale i ḥoma ningyo yayo fhasi thulwini ya mupfudze huno ya ḥa thoro dzoþe khawo, na *tshiñwe* na *tshiñwe*; ndi zwone, iyo, ndi nguluvhe ya mboho. Ni nga si i vhee mulandu. Ndi nguluvhe ya mboho. Iyo ndi ndila ine vhaitazwivhi vha vha ngayo. Fhedzi musi ni tshi ya huno na divhidza Mukriste, huno na dženisa ningyo yanu ngomu nae, zwenezwo a ni khwine u fhira zwine a vha zwone, fhedzi, inwi no vhifhesa. Ibvani khalo. Litshani shango. Litshani. Tendelani Mudzimu. Litshani.

<sup>96</sup> Naa ni zwi litsha hani? Vhathu vhanzhi vha khou mangala ñamusi, vha tshi ri, “Zwo ralo, Mukomana Branham, naa ni zwi litsha hani?” Ndi a zwi divha uri no pfa theolodzhi nnzhi nga hazwo, “litshani.” Vhunzhi ha vhathu vha sokou bva biko, vha tshi khou lingedza u litsha. Vhathu vhanzhi vha a ða huno vha ri, “Ndo vha ndi tshi khou yo ðidzima lwa maðuvha a fuiña u itela uri ndi ite tshiñwe tshithu.” A ni ḥodi u ðidzima lwa maðuvha a fuiña. Ni ḥoda uri ni litshe shango na izwi zwithu zweþe zwa diabolo, huno na dzhia Ipfi ḥa Mudzimu mbiluni yanu. Ni tea u funzwa uri izwo zwi itwa hani. A ni zwi iti nga u fhufhela n̄tha na fhasi, nahone a ni zwi iti kha u ðidzima maðuvha a fuiña. Ni zwi ita nga mbilu yo ðinékedzaho kha Mudzimu Ramaaðaoþe.

<sup>97</sup> Vhunga lushie luþuku. Ndo dzhieila nzhele lushie lwanga luþuku murahu hangei, mme alwo vha tshi khou lingedza u lu ambadza badzhi yalwo þukhu, matsheloni ano. Lwo vha lu tshi ḥodou dženisa tshanda tshalwo tshiþuku tsha kale tshandani. A lwo ngo kona u dženisa tshanda tshalwo ngomu heneþho; a lu divhi uri hani. Ni tea u endedza tshanda tshalwo tshiþuku. Lu ḥodou dženisa tshanda tshalwo ngomu heneþho, fhedzi lu khou sokou rwa hothe u mona natsho. A lu swiki tshandani na kathihi. Lu a ðivha urî a luho tshandani.

<sup>98</sup> Huno ngauralo ni a zwi divha uri a no ngo lugisa na Mudzimu, musi ni tshi kha ði pomoka, u zwifha, ni tshi khou ita tshiñwe na tshiñwe. Ni nga si vhe no lugisa na Mudzimu, a thi londi uri ni murado wa zwivhidzo zwingana, u swika muya wanu u tshi rembuluwa. Mukomana, izwo ndi zwa tshikalekale, fhedzi izwo zwi ðo vhila huno zwa shela swobo muyani wanu. Ndi zwone!

<sup>99</sup> Lu tshi lingedza u dzenisa tshanda tshalwo ngomu, lu tea u vha na muñwe a no lu sumbedza u tshi dzenisa, uri lu tea u dzenisa tshanda tshalwo hani. Zwenezwo musi lu tshi dzenisa tshanda tshalwo badzhini yalwo ḥukhu, lu a zwi ɖivha uri lwo luga tshothe.

<sup>100</sup> Izwo ndi ndila ine zwa vha ngayo kha Mukriste muñwe na muñwe o bebwaho hafhu. Musi a tshi dzhena zwa vhukuma kha Mudzimu, u sedza vhutshilo hawe nga Ipfi la Mudzimu nahone u a limuha uri o lugiswa nga tshipida tshiñwe na tshiñwe Tshalo. U na u sa fhela mbilu, vhulenda, u dzika, u vuða, maanda, lutendo, lufuno, dakalo, mulalo. Ha yi ngei na ngei vhunga lwanzhe lwo sinyuwaho. Ha vhilaeli nga ha tshithu tshiñwe na tshiñwe tshiñku. Ha fhufhi *hafha* na *afho*, vhunga tshitopara tsha bodelo kha danzhe li re na maya. O dzula. Mbilu yawe yo tam̄ba. Mihumbulo yawe yo tam̄ba. Zwipikwa zwawe zwo tam̄ba. Tshithaduli tshawe tsho luga. Nahone u a zwi ɖivha uri u luga nga Ipfi la Mudzimu. Vhudzulavhafu hothe vhu nga si kone u mu sudzulusa. U lugiswa nga Ipfi la Mudzimu. U na lufuno lwa Mudzimu, u tam̄ba mbiluni yawē, u itela munna na musadzi muñwe na muñwe. U na... O sendela kule ha zwithu zwa shango, zwo fa khae; ha tsha zwi ḥoda. Mulandu, no vha ni si nga iti uri musidzana wa Muya-Mukhethwa a ambare phere ya izwo zwiambaro zwi vhonala ho zwi si na u ofha Mudzimu huno a bva heneffo lwa fhedzi. Hai, muñe wanga.

<sup>101</sup> Zwino, a hu na ḥodea ya u ya na mu vhudza uri o khakha, ngauri a nga si ni tende, ngauri ndi zwenezwo fhedzi zwine a zwi ɖivha. Ilo ndi dakalo lawe. Musadzi u ambara izwo zwithu zwiñku, u bvela nn̄da nga madekwana, musi vhanna vhavho vha tshi ña hayani, muvhuso, huno a ri, “Gerani dzharata,” ngauralo... Huno ni mmbudza uri izwo zwo luga? Musadzi, a thi khou amba uri ni—ni muvhi. A thi khou amba uri ni na vhuada. Fhedzi inwi a ni limuhi, khaladzi, uri maya wa tshika wo ni fara. Naa no vha ni tshi do zwi itelani? Ni na ḥalukanyo yo eðanaho u zwi ɖivha uri a hu rotholeli. Hu a phisa. ḥu na maya wa tshika.

<sup>102</sup> Inwi ni ri, “Nñe? Nñe, ndo ya kerekene!” Nebukadanetsara o vha e munna muhulwane. Fhedzi, ngauri o thoma u dihudza, Mudzimu o mu ñea maya wa phulu, huno a mu tendela u la hatsi lwa miñwaha ya sumbe, huno ñala dzawe dzo aluwa vhunga zwine vhañwe vha avha vhasadzi vha ita u mona na hafha. Izwo ndi zwone. Huno o vha na dimoni.

<sup>103</sup> Munna o vha na dimoni huno a bvula zwiambaro zwawe. A vho ngo kona u mu ambadza zwiambaro. Naa ni a vhonazwine nda khou amba? Ndi mimuya i kungaho.

<sup>104</sup> Tshivhidzo tshañu tshi a zwi kondelela. Mureri wanu u a ofha u amba tshiñwe tshithu, u a ofha uri ni nga si tsha bvisa zwafumi zwañu. Itsyo ndi tshone tshiitisi. Uvho ndi hone vhuleme. Nñenñe, e nga vhanna! Naa ni khou yo rerela hani

sambi la mañoni, nndani ha musi ni tshi ita uri a rembuluwe huno a lugise na Mudzimu, tsha u thoma? Vha do sima midzi ya ningozavho kha zwithu zwo faho tshifhinga tshothe. Zwine na ḥoda ndi u khuthula, na mvuseledzo ya tshikalekale ya swiela u bva khunzikhunzini u ya khunzikhunzini, huno ya ita uri vhanna na vhasadzi vha lugise na Mudzimu. Litshani, zwithu zwa shango! Litshani, u rera ha tirapa-thethe huṭuku. Amene. Rerami Mafhungo-madifha. Mudzimu o amba nga u ralo. “Arali ni tshi funa shango, kana zwithu zwa shango, lufuno lwa Mudzimu a lu vhuyi lwa vha kha inwi.”

<sup>105</sup> Vhatu vha nga fhufhela n̄tha na fhasi, huno vha ḥavha mukosi vhusiku hothe, nahone vha amba nga dzindimi vhunga u shululela dzieregisi n̄tha ha mukumba wo omaho wa thole; vha tshimbila vha bva ḥenefho, nga matsheloni a tevhelaho, vhe na mbilwana yo edanaho u lwa na saha ya maanda, vha ya ḥenefho n̄nda huno vha amba tshiñwe tshithu tshivhidzoni tshire tsha do ita uri tshivhidzo tshothe tshi kwashekane. A si tshithu shangoni nga n̄nda ha mimuya i kungaho, ya madimoni! Ni ḥoda u vhuyelela kha Ipfi, hune Mudzimu a vha u ḥamba, mukhethwa. Amene. Izwo ndi zwone. Mimuya i kungaho yo livhana na Ipfi la Mudzimu!

<sup>106</sup> Munna o vha e fhano, a si kale-kale, o wana musadzi muṭuku... Vhakatolika vho wana vha dazeni hangei. Nga tshifhinga tshawe tsha u sa ya maṭamboni hawe, a bva zwandani zwawe na kha phanda yawe. Arali mureri wavhuđi wa Muya Mukhethwa... ndo elekanya. Uyo munna o vha e na bodelo la izwo zwithu, nga n̄nda ha zwanda zwawe, a tshi khou tshimbila u mona hothe a tshi dolisa vhatu ngazwo. Whew! Khathutshelo! Ndi muvhangisakristo! A thi londi arali malofha a tshi bva kha ningoyawe kana kha ḥoho yawe, kana huñwe, mukomana, a hu na malofha a no do dzhia fhethu ha Yesu Kristo Murwa wa Mudzimu. Ayo ndi one Malofha fhedzi ane nda divhya tshiñwe tshithu nga hao. A nga di vha o vha e na mapfura a tshi khou shuluwa kha tshanda tshithihi, na waini kha tshiñwe, fhedzi, arali na zwi shumisa kha tshivhumbeo tshiñwe na tshiñwe tsha vhurereli, ndi Diabolo. U vhona nga ndila ine vhareri vha do wela kha zwithu zwi no nga zwenezwo!

<sup>107</sup> Zwine ra ḥoda, vhuyelelani kha Bugu ya u Endedza, murahu kha Ipfi la Mudzimu! Ili ndi Ipfi la Mudzimu, Bivhili ya kale yo fhaṭutshedzwaho. Ni ri, “Zwo ralo, nne ndi a ofha u vha hezwo, Mukomana Branham. Nne ndi a ofha uri ndi do xedza liñwe la dakalo ḥanga.” Naa thaidzo ndi mini? A ni divhya zwine dakalo la vha zwone.

<sup>108</sup> Ndo amba zwauri a thi haṭuli tshidakwa nga ḥwambo wa u ya n̄nda na u kambiwa. Tshi a futa tshothe. A tshi divhya. Tshi a vuwa, nga matsheloni, tshi na mutsiko, babalasi. Tshi a bva huno tsha diwanela mabodelo mavhili kana mararu a halwa, huno

tsha bva nahone tsha diwanelo wisiki, na ulwo lushaka lwothe lwa zwithu.

Mudahi mułuku wa sigarete u dzula murahu huno a dahan, a vhudzula nga kha ningy yawe vhunga o vha e tshidimela tsha thundu. Ndi zwenezwo fhedzi. A thi mu vhe mulandu; ndi dakalo lothe line a li divha. Ndi zwenezwo fhedzi zwine a divha nga hazwo. Ndi nguluvhe, nga mvelo.

<sup>109</sup> Thoni kha inwi ane a diita Mukriste huno na ditika nga zwithu two raloho u vha na dakalo, ngeno Mafhungo-madifha a Muya Mukhethwa a si tshithu nga nnđa ha nnđu ya maanda khulukhulu nthihi ya dakalo. Mafhungo-madifha a Muya Mukhethwa ndi u kambiwa ho fhelelaho ha munna muñwe na muñwe a re na mutsiko. Ni do dzhia tshinwiwa tsha Mafhungo-madifha a Yesu Kristo, na dala Muya Mukhethwa, no kambiwa u swika ni tshi tutshela ili shango, amene, dakalo li sa ambei nahone lo dalaho vhugala. Hu na u newa nungo hu sa fhidzi. Ndi u kambiwa hu sa fhidzi, no kambiwa masiari na vhusiku! Amene. Ilo ndi Ipfi la Mudzimu.

<sup>110</sup> Tshihidzo tshi a da, tsha tanganedza tshinwe tshithu. Vha tea u vha na tshimima tshițku hune vhothe vha bva vha ya bitshini, u vha na netuluso. Tshimima tsha garața tsha u da fhethu huthihi, u itela vhutama. Izwo ndi zwone. Vha vha na mutshino, tshinwe tshifhinga, kha nnđu ya muñwe wa mirado, tshinwe tshifhinga kha basimennde ya tshihidzo. Mutshino, u tanganedza, hu tshi khou lingedzwa u wana tshinwe tshithu tsha u fusha. Naa thaidzo ndi mini? Vha tou vha sambi lihulu la dzinguluvhe, naho two ralo. Vha dzinguluvhe, tsha u tou thoma. Arali vho vha vha tshi do vhuya vha kwamana na Kristo, vho vha vha tshi do vha na dakalo linzhi, izwo zwithu two vha zwi tshi do vha two faho u fhira vhusiku vhuhulu, khavho. Mafhungo-madifha, ho kambiwa kha Muya, dakalo li sa ambei nahone lo dalaho vhugala.

<sup>111</sup> Ni songo hațula muitazwivhi; mu khathutsheleni. I ri ni a bvele phanda nahone a dahe bibi yawe, i ri ni a nwe tshikambi tshawe, i ri ni a vhe na tshimima tsha garața yawe. Ilo ndi dakalo lawe. Ni songo mu vhea mulandu. A tshi da hayani na tshinwe na tshinwe, o neta nahone o diniwa, u ḥoda dakalo. Tshithu tshire inwi na tea u ita ndi u tshila vhutshilo ho raloho ha u ofha Mudzimu lune ni nga mu sumbedza uri Mafhungo-madifha o fara two engedzeaho zwa zwigidi zwa fumi u fhira hezwo, zwawe. [Hu na tshikhala kha theiphi—Mudz.] Huno arali a fa e kha itsyo tshiimo, u do ya vhudzulavhafu, nga nthani ha tshikambi tshawe. Uho ndi u kambiwa ha Diabolo. Arali a fa, a tshi khou kokodza iyo bibi ya kale, Mudzimu ndi Muhațuli wawe. Arali a fa, a tshi bva hafha, a tshi khou tshina, nahone a tshi gidima u mona hothe o ambara zwiambaro zwa vhuada, Mudzimu ndi Muhațuli wawe.

<sup>112</sup> Fhedzi hu na tshithu tshithihi, arali na fa ni fhasi ha Maanda a Ʉolisaho a Muya Mukhethwa, vhunga zwe Stefano a ita musi o sedza n̄tha tshifhaṭuwoni tsha Mudzimu, a ri, “Ndi vhona Tađulu lo vulea, na Yesu o ima kha tshanda tsha u ḥa,” ni khou ya Tađulu, vhunga ḥambamađi bogisini ḥayo. Amene.

<sup>113</sup> Mimuya i kungaho yo livhana na Ipfi ḥa Mudzimu! Litshani, i ri ni zwi ṭuwe. “Naa ni zwi ita hani, Mukomana Branham?” Itonu ri zwi ṭuwe. Ndi zwenezwo fhedzi zwine na tea u ita. Dzhiani Ipfi ḥa Mudzimu. Ni songo lingedza u shuma tshithu. Ni songo tsela fhasi kha alitari huno na ombo khayo, na zhamba, “Mudzimu, nn̄ee Muya Mukhethwa! Murena, nn̄ee Muya Mukhethwa!” A u khou ḫa, inwi ni tshi khou ombo kha iyo alitari. Izwo a zwi farisi tshithu. Hai. Iyo a si ndila ine Wa ḫa. Ndi u, Mu dzhia u ya nga Ipfi ḥawie!

<sup>114</sup> Sedzani Petro. Petro o vha e kha vhuleme, a tshi vhonala unga u khou yo fa. Huno a vhona Murena a tshi ḫa, a tshi khou tshimbila kha mađi. Huno a ri, “Murena, arali uyo hu Iwe, nthambe ndi ḫe,”

Murena a ri, “Ida.”

<sup>115</sup> Zwino Petro a ri, “Zwino ima lwa tshifhinganyana, Murena, i ri ndi ye ndi didzime lwa mađuvha a fuiňa, u vhona arali ndi tshi nga tshimbila n̄tha ha ayo mađi, kana hai. Oo Murena, i ri ndi wane Muya wo edanaho kha nn̄e, lune ndi nga kona u tshina Muyani nahone nda amba nga dzindimi, gungwani ili, zwenezwo ndi nga kanda nn̄da”? Hai, muñe wanga! O dzhia Mudzimu u ya nga Ipfi ḥawie, litshani nahone i ri ni zwi ṭuwe. Mudzimu o mu pfukisa.

<sup>116</sup> Mini-ha arali Mudzimu o tangana na Mushe, huno A ri, “Mushe, tsela fhasi henengei kha ḥa Egipita, huno u vhudze Farao, ‘I ri vhathu Vhangva vha ṭuwe’”? Mini-ha arali Mushe o ri, “I ri ndi ye u đidzima lwa mađuvha a fuiňa, u thoma, huno ndi vhone arali ndi na lutendo lwo edanaho u U thetshelesa, Mudzimu. N̄nee tshiňwe tshithu, tshiňwe tshithu tshiňwe-vho, Murena. I ri ndi U vhudze tshiňwe tshithu, i ri ndi vhone arali ndi tshi dzhena Muyani, u thoma”? Mushe ho ngo vhudzisa dzimbudziso na kathihi, o tou dzhia Mudzimu u ya nga Ipfi ḥawie, huno a ṭuwa. Iyo ndi ndila ine na tea u zwi ita, dzhiani Mudzimu u ya nga Ipfi ḥawie. Zwenezwo ni a divha uri ni do kona u zwi ita. Ho ngo lindela u swika tshiňwe tshithu-vho tsho no itea, o tou bvela phanda huno a zwi ita.

<sup>117</sup> Mini-ha nga ha Eliya, musi a tshi tsa kha Thavha ya Karamele, o vha e n̄tha lwa tshifhinga tshilapfu? Huno o tangana na musadzi wa tshilikadzi wa mushai. O vha e... O vha e mutsinda, Wannda. Huno musi a tshi tangana nae ngei fhasi, o vha a tshi khou doba zwiňasana, dzharađani. Huno Mudzimu a mu vhudza a ri, “Tsela ngei fhasi kha nn̄du ya uyo tshilikadzi.” Ndi fhethu-de nandi hune mureri a nga ya!

<sup>118</sup> Zwenezwo u tsela fhasi henengei kha nnđu ya tshilikadzi. Huno musi o ita, o vha e na zwiṭasana zwivhili. Ha pfi, “Naa ni khou itani?”

<sup>119</sup> Ha pfi, “Ndi khou doba zwiṭasana. Ndi na vhukhopfu ho edanaho fhedzi u ita khekhe mbili dza mavhele. Ndi zwenezwo fhedzi zwine nda vha nazwo zwo salaho. Ho no vha na miňwaha miraru tshe ra vha na iňwe mvula-vho.” Huno a ri, “Zwenezwo ndi khou yo ita idzi khekhe dza mavhele. Huno nnę na mutukana wanga ri khou yo zwi ḥa, huno ra fa.”

<sup>120</sup> A ri, “Nnyiteleni nthihi, u thoma!” Hařeluya! Oo, ndi a zwi ḥivha uri ndi a penga zwiṭukunyana, fhedži ndi kha sia ḥa Murena, naho zwo ralo. Ha pfi, “Nnyiteleni nthihi, u thoma. Ngauri, U RALO MURENA.” Khezwo.

<sup>121</sup> Naa ndi mini? “Tsha u thoma ḥodani Muvhuso wa Mudzimu, na u luga Hawe.” Hu si Muvhuso wa Mudzimu na “phosho ḥukhu,” hu si Muvhuso wa Mudzimu na “vhudipfi vhutuku,” hu si Muvhuso wa Mudzimu na “*itshi* tshiṭuku kana *itsho*.” Fhedži, “Mudzimu, na u luga Hawe, na izwi zwiňwe zwithu zwothe ne ni ḥo ingiwa ngazwo.” Vheani u thoma!

<sup>122</sup> Zwino, *itsho* tshilikadzi tsho zwi pfa hezwo. “Lutendo lu ḥa nga u pfa, u pfa nga Ipfi.” O ri, “Ilo ndi Ipfi ḥa Murena, ngauri uyo ndi munna mukhethwa wa Mudzimu. Uyo ndi muporofita wa Mudzimu, huno ndi a zwi ḥivha uri ndi ngoho. Huno ilo ndi Ipfi ḥa Mudzimu.”

<sup>123</sup> Zwino, ho ngo gidimela seli u vhudzisa vhadzulatsini uri zwi itwa hani. Ho ngo ḥoda u ya a kovha zwawe... huno a vhudza vhadzulatsini, a ri, “Zwino, naa ni elekanyani? Mureri u nđuni yanga, a tshi khou amba *itshi*. Susie, naa ni elekanyani nga ha *itshi*? ”

<sup>124</sup> A dzhena, a thoma u khuthula. A zwi ḥuwisa. A zwi ḥuwisa zwe a vha e nazwo, uri a kone u wana zwo engedzeaho. Izwo ndi zwine shango la ḥoda namusi, ndi u tenda zwi tshi tuwa lwa tshikalekale tshavhudi tsha zwine na vha nazwo. Hařeluya! O khuthula, uri a kone u ḥadzwa. O khuthula mapfura othe e a vha e nao, na mapfura othe e a vha e nao na vhukhopfu hothe he a vha e naho, kha mureri, kha Muvhuso wa Mudzimu. Huno musi o a khuthulela othe ngomu heneffo, Mudzimu a tsela fhasi, a ḥadza mvuvhelo ya vhukhopfu, a ḥadza dzhege ya mapfura. A a khuthula hafhu, phuleithini ya mureri. Huno A ḥa heneffo, a i ḥadza hafhu. A khuthulela ngomu. Tshifhinga tshothe o khuthula, O ḥadza.

<sup>125</sup> Ndi do ri, namusi, arali muthu a tshi ḥo khuthula vhutaſafu uhu hothe ha u bvela phanda, na u edzisela Vhukriste, huno a tendela Muya Mukhethwa u dzhia fhethu Hawo, hu do vha na mvuseledzo i no do thoma kha Tshiṭarača tsha Eighth na Penn ine ya do ḥanganya shango ḥothe. Tutshelani vhutaſafu. Vhuyelelani kha Ipfi ḥa Mudzimu. Khuthulani, uri

ni ḫale. I ri ni zwi ṫuwe, huno Mudzimu u do tendela u da. Inwi khuthulani, Mudzimu u do ḫadza ngomu. Zwithu zwiṭuku zwoṭhe, zwa, “Ni tea u ita *itshi*, nahone ni tea u ita *itsho*; huno ni fanelu u ita *itshi* nahone na fanelu u ita *itsho*.” Zwi hangweni! Zwi khuthuleleni nn̄da ha muya wan̄u!

<sup>126</sup> I ri ni, “Mudzimu, ntendele, u bva kha lino lothe... ḫuvha lino, ndi vhe Wau tshoṭhe. Murena, ndi da na mbilu yo pwashekanaho. Ndi da na muya u disolaho. Ndi a U funa. U a zwi ḫivha zwauri ndi a U funa. Huno ndi ḫoda u hangwa uvhu vhutsilu hoṭhe ha u ḫidzima uhu hoṭhe ha maduvha a fuiṇa huno nda vhona arali ndi tshi nga da tsini-tsini ha Mudzimu, na *itshi* tshoṭhe, *itsho*, *tshiñwe*, hoṭhe uvhu vhuṭafuṭafu.”

<sup>127</sup> Zwi imiseni! A hu na tshithu kha Ipfi tshi no ri ni ḫidzime lwa maduvha a fuiṇa. A hu na tshithu. A hu na tshithu shangoni tshi no ni vhudza u ḫidzima, nn̄dani ha musi Mudzimu a tshi ni vhudza. Arali ni tshi ḫidzima, a ni khou yo farwa nga ndala, huno na tshimbila izwi zwithu zwoṭhe. Ni tshi khou ḫidzima, mukomana, ni do vha dakalo na u takala tshifhinga tshoṭhe. Ho pfi, “Ni songo vhonala kha vhatu vhunga zwine vhahoi vha ita, vhe na tshifhaṭuo tshilapfu, tsho tungufhalaho. ‘Nñe ndi khou ḫidzima maduvha a fuiṇa. Phuleithi dzanga a dici tsha do nnyedana. Ndo xedza phaundu dza furaru, huno vho mmbudza zwauri ndi do sedzea vhukhwine musi izwi zwo no fhela.’” Oo, vhuṭafuṭafu! Ndi mimuya i kungaho ya Diabolo.

<sup>128</sup> Ni swika kha aliṭari, huno na ri “vhugala, vhugala, vhugala” u swika ni si tsha kona u amba tshiñwe tshithu-vho, huno na ri, “Ni tea u amba nga dzindimi ni sa athu wana Muya Mukhethwa.” Vhuṭafuṭafu! Vhu khuthuleni!

<sup>129</sup> Bvisani izwo kha sisteme yanu huno ni de kha Ipfi la Mudzimu! O ri, “Shandukani, muřwe na muřwe waṇu, huno ni lovhedzwe nga Dzina la Yesu Kristo u itela khangwelo ya zwivhi zwaṇu, huno ni do ḫanganedza tshifhiwa tsha Muya Mukhethwa.” Mudzimu a sa vhulungi Ipfi Lawe, A si Mudzimu. Amene. Khuthulani. Dadziwan. Amene. Whew! Ndi a zwi funa hezwo. Ilo ndi Ipfi Lawe. Mudzimu o amba nga u ralo. Izwo ndi zwone. Huno musi Mudzimu o zwi amba, Mudzimu u do zwi londa. Zwo luga. Ndugiselo dzoṭhe dzine na ita, u ya hoṭhe kerekeni hune na u ita...

<sup>130</sup> Zwi tou fana na hafha fhasi kha mishumo ya mimodoro hune vha fhaṭa tshivhalo tshihulu tsha thundu, kana tshivhalo tshihulu tsha mimodoro ya vhanamedzwa. Ndo vha ndi tshi anzela u shuma henefho. Huno vha a dzhia nahone vha fhaṭa maṭoroko ayo mahulu na tshiñwe na tshiñwe, huno vha dženisa thanda yo khwaṭhaho, mahogani o dženiswaho u mona hoṭhe, huno tshiñwe na tshiñwe tsho naka nga maanda, vha a vhea ngei nn̄da n̄tha ha tshiporo, huno o vha o fa tshoṭhe. Henefho ho dzula nzhini, a hu na tshitimu ngomu hayo. Yo sokou dzula henefho.

<sup>131</sup> Tshine ya ṭoda ḥamusi ndi mulilo baelani. Tshine ya ṭoda ḥamusi ndi tshitimu. Tshine tsha ṭoda ḥamusi, tshivhidzo, u ḫhila; tshithu tsha u vhilisa tshi fhisahō tshi re hone tsha u vhilisela tshivhi nn̄da ha vhutshilo hanu, ndi lufuno. Huno arali ni sa koni u funana, naa ni khou yo funa hani Mudzimu We na sa mu vhone? Lufuno lu dzumba vhunzhi ha tshivhi. Dzhenani kha u funa Mudzimu, zwenezwo ni do funana, zwenezwo ni do funa tshivhidzo, ni do funa Ndivho, ni do funa tshiñwe na tshiñwe tshine tsha vha tsha Mudzimu, nahone ni do vha kule ha zwithu zwa shango.

<sup>132</sup> Mimuya i kungaho i tshi khou tshimbila u mona hothe i tshi vhudza vhathu *itshi*, *itsho*, kana *tshiñwe*, “Vha tea u ita *itshi*. Vha tea u ita *itsho*.” Ndi ngauri dinomineisheni dzo takuwa, huno dzi na nzumbululo ḫukhu ine vha amba, “Zwo luga, zwino, ndi tenda uri munna... Ndi tenda kha tshithu tsho raloho tshi no nga u ṭavha mukosi Bivhilini.” Izwo ndi zwone. Iyo ndi ngoho. Vho ita dinomineisheni ngazwo, “Musi ni tshi ṭavha mukosi, no U wana.” Fhedzi a no ngo ralo.

<sup>133</sup> Muñwe a tevhelaho a takuwa, wa ri, “U amba nga dzindimi.” Izwo ndi zwone. Izwo zwi Bivhilini. “Zwo luga, musi ni tshi amba nga dzindimi, no U wana.” Fhedzi vhunzhi havho vho amba nga dzindimi huno a vho ngo vha Nawo. Ni a vhona? Uyo a si Wone. Hai, muñwe wanga.

Vhunzhi havho vho ri, “Zwo luga, ri tea u porofita.”

<sup>134</sup> Sedzani avha vhaporofita hafha vhe na ḥanga ḫohoni dzavho, vha tshi khou fhufhela nt̄ha na fhasi nahone vha tshi khou porofita. Mika a ri, “Vhoinwi, muñwe na muñwe, u khou zwifha.” Amene. Ndi zwone. Mudzimu ha di nga u ralo. Mudzimu u da kha mbilu i fulufhedzeaho i daho na maya u disolaho, wo pwashekanaho. “Ane a ya, a tshi khou zwala nga mitodzi, hu si na na u timatima u do vhuya hafhu a tshi khou pembela, a tshi khou da na mikanço yawe yavhuđi.” Amene. Pfesesani izwo zwavhudži, khonani.

<sup>135</sup> Ndi vhunzhi nga maanda vhudimoni, madimoni a tshi khou shuma mimuyani ya vhathu! Sedzani hune ya anwa mitshelo yayo. Sedzani uri ndi lushaka-de lwa vhutshilo vhune muthu a tshila. Vhonani ndila ine vha difara ngayo, sedzani ndila ine vha ita, vhonani zwine zwiṭuwedzi zwavho zwa vha zwone. Zwi tou vha zwi sa konadzei... Huno arali ndo ni vhudza uri, “Ndila i yothe... Hafha ho dzula mimodoro, yothe yo ita muduba hafha. Ṭadulu hu ngei Charlestown. Ni nga si kone u tshimbila. Ndila i yothe ine ni nga tuwa ngayo, ndi modoro. Huno munna muñwe na muñwe a no pfuka mukano u fanelā u dzhenisa galoni ḫhanu dza piṭirolo.” Ngoyu modoro wawe, fhedzi arali a si na piṭirolo a nga si u tshimbidze. Ndi zwone, izwo ndi zwone kokotolo, lwo fhelelaho nga ndila ine zwa vha ngayo ngei Ṭadulu. Arali na fa ni si na Mudzimu, a thi londi uri no tshila hani na uri no

fhaṭa mimođoro mingana, arali lufuno lwa Mudzimu lu siho u ni kokodzela Muvhusoni wa Mudzimu, no xela.

<sup>136</sup> Hu na negathivi na phozethivi. A hu londwi uri ndi phozethivi nngafhani ine iyi kharenthe ya gidima hafha, arali i si na lurale lwa mavuni, i nga si funga na kathihi. Izwo ndi zwone. Ni tea u sima midzi, na ḥoka lufunoni lwa Mudzimu. Oo, mukomana! Disani iyo negathivi na phozethivi fhethu huthihi, ni do vha na Tshedza, Tshedza tsha Mafhungo-madifha avhuđi a tshikalekale. I ri ni Tshi phađalale u bva vhugabeloni u ya vhugabeloni. Ni nga si vhe Natsho ni si nao. A hu londwi uri ni nga dzinginyisa nahone na fhufhisa zwingafhani phozethivi, ni tea u vha na lurale lwa mavuni u taidza tshedza. Amene.

<sup>137</sup> No no vhuya na dzhieila nzhele? Inwi vheani lurale lwa mavuni hafha kha itshi, huno tshipida tshiṭuku tshiñwe na tshiñwe tshi vhuyelela murahu thwii hafha ngomu ha tshiṭitshi tshiṭuku, heneħho fhasi mavuni. Huno tshifthinga tshothe musi munna a tshi vha a simaho midzi nahone a ḥoka kha Ipfi la Mudzimu, li mu simela midzi nahone la mu ḥoka Khalivari, hangei, hune ngimisi, fhethu ha u hungelela ha Mudzimu ha qiswa heneħho, u taidza Tshedza tsha Mafhungo-madifha. Amene.

<sup>138</sup> Inwi ni a divha uri thaidzo ndi mini? Vhatħu kha iyi mimotshari mihuluhulu i rotholaho ya maitele hafha nnđa, vha tshi khou ita unga vha khou rera Mafhungo-madifha. Mureri muṭuku o da kha nne mulovha, ndi wa iñwe ya dinomineisheni dzi re hone shangoni qamusi, nga nnđa ha ya Kaṭolika. O ri, “Mukomana Branham, ndi a lwala nahone ndo neta.” Ha pfi, “Vha khou yo ita riñe vhareri vhoħe uri ri ambare dzinguvho nahone ri monise kholoro dzashu, huno—huno ra rera zwiñwe zwithu. Nahone vha do ri vhudza uri ri rere nga ha mini, kotara iñwe na iñwe.” A ri, “A thi tsha kona u zwi kondelēla.” A ri, “Naa ndi fanela u itani? Naa ndi fanela u thoma u rera Mafhungo-madifha?”

<sup>139</sup> Nda ri, “Mukomana, musi ni tshi kha di vha na iyo dinomineisheni, i ḥonifheni. Inwi ni ambe fhedzi zwine vha fanela. Fhedzi tshimbilani ni ye kha tshifhe wañu kana mulavhelesi wa muvhuso wanu, huno ni ri, ‘Mune wāṅga, ndo bebwa hafhu nga Muya wa Mudzimu. Ngeli Ipfi la Mudzimu. Arali na ntendela u rera Ilo, ndi do dzula tshivhidzoni tshañu. Arali ni sa khou ralo, nne ndo ṭuwa. I ḥeeni muñwe muthu-vho.’” Iyo ndi ndila ya u zwi ita. Ni songo shavha u amba. Ni songo hana. Ibvani ni ambe zwine zwa vha zwone. Ndi zwone.

<sup>140</sup> A ri, “Mukomana Branham, ni elekanya uri ndi nga vha na tshivhidzo?”

<sup>141</sup> Nda ri, “Hune Mutumbu wa vha hone, Magoni a do kuvhanganywa.” Izwo ndi zwone, a do tevhela.

<sup>142</sup> Vhunga munna, luthihi, o thothonyisaho zwikukwana. Zwino, a si muswaswo. A thi khou zwi amba uri zwi vhe muswaswo. Ndi zwi ambela tshiga. O vha a tshi khou yo dzudza khuhu dzawe, huno ho ngo vha na makumba o edanaho. A vhea gumba la sekwa fhasi ha inwe. Huno musi o no thothonya othe, sekwa lo vha li tshithu tshi vhonalaho tshi tshi seisesa tshe zwikukwana zwa vhuya zwa tshi vhona. Ngauralo phambo ya kukulikela kha zwikukwana huno khukhwana dla da, fhedzi sekwa a lo ngo divha ulwo luambo. Fhedzi, linwe duvha, phambo ya kale ya dzi ranga phanda u ya nnda murahu ha dulu. Ho vha hu na mulambwana fhasi murahu ha dulu. Musi ilo sekwa lituku lo pfa munukho wa ayo madi, la gidimela madini nga u tjavhanya u ya nga he la kona. Phambo ya kale ya ri, "kukuliko, kukuliko, kukuliko." Huno sekwa lituku la ri, "honk, honk, honk." Lo vha lo livha madini. Ndi ngani? Lo vha li sekwa, nga mvelo. Musi lo pfa munukho wa madi, mukomana, a lo ngo kona u vha kule nao, ngauri lo vha li sekwa.

<sup>143</sup> Huno ndi a amba namusi, vhañwe vhatthu-vho vhane vha toda u wana Mudzimu zwa vhukuma, vha nga si tendele tshivhidzo na tshithihi tshi tshi vha vhudza zwithu zwine vha nga si kone u zwi tshila, *itsho* kana *tshinwe*. Arali ni na mvelo ya Mudzimu kha inwi, ni do ya kha vhukhethwa. Ni do ya kha tshithu tsho lugaho. Ni do imela tshithu tsho lugaho. Ni do ita tshithu tsho lugaho. Ni do elekanya tshithu tsho lugaho. Ni do tshila tshithu tsho lugaho. Arali ni sekwa, ni takalela madi. Arali ni Mukriste, ni takalela Kristo. Arali ni diabolo, ni funa zwithu zwa Diabolo. Arali ni linoni, ni la zwithu zwo faho. Arali ni nguluvhe, ni do la mupfudze. Naa ni ngafhi namusi? Ndi zwone. Ni khou amba uri ni hafha nthia, ni tshi khou la zwithu zwa Murena, zwenezwo na tsela fhasi huno na konana na Diabolo? Hu na zwo khakheaho khazwo. Litshani u thetshelesa iyo mimuya; ndi yone vhodiabolo. A hu londwi arali ni tshi tea u ima ni nothe. Vhanna na vhasadzi vhe vha vhuya vha gonya vha vha tshinwe tshithu, kałukutuku, who vha vhanna na vhasadzi who imaho vhe vhothe na Mudzimu.

<sup>144</sup> Sedzani Mika, uri o ima hani henengei; hu si u fana na tombo la Gibraltar, fhedzi Tombo la Zwikhathi. O ri, "A thi nga ambi tshithu... A thi londi zwine seminar ya amba. A thi londi zwine tshivhidzo tshanga tsha amba. A thi londi zwine khosi ya amba. Arali vha tumula thoho yanga, ndi do amba fhedzi zwine Mudzimu a vhea mulomoni wanga uri ndi ambe." O vha e kha ngoho. O vha e kha ngoho.

<sup>145</sup> Huno namusi, vhanna na vhasadzi, ni songo thogomela zwe shango la ni farela zwone, u fara hune la vha nah, uri vha na lushaka-de lwa u thavhela zwinisina, huno vha amba uri, "Arali na vha murađo wa tshivhidzo, ni do luga tshothe." Uho ndi u thavhela ha mafanedza. Ndi ngani? Ni kha di vha na vhulwadze ha tshivhi. Izwo ndi zwone. Fhedzi ndi ni vhudza

tshithu tshithihi, mukomana, tshi no do ni thavhela kha tshivhi, tshone ndi, idani kha Malofha avhudzi a Murena Yesu Kristo huno ni dadzwe Muya Mukhethwa, huno izwo zwi do ni thavhela kha tshivhi tshothe, huno lutamo lwanu lu do vha lwa u ya Tađulu, huno a ni nga vhi na tshifhinga tsha zwithu zwa shango.

Kha ri rabele.

<sup>146</sup> Khotsi ashu wa Tađulu, musi ri tshi vhona iyi mimuya i kungaho kha vhathe, nahone ri tshi zwi divha zwauri i nyadza zwithu zwa Mudzimu, ndi a rabela, Mudzimu, uri U do fara munna na musadzi muňwe na muňwe ngomu hafha namusi. I ri ili li vhe duvha, Murena, line vha do limuha uri vhutshilo havho a vhu andani na Ipfi. Huno vho vha vha tshi khou thetshelesa tshithu tsho khakheaho, uri Diabolo o vha a tshi khou ita uri vha dzike nga magazini dza kale dza True Story, vhutafufafu ha kale ho sinaho ha shango, na shou dza tshifanyiso tsha kale tshi tshimbilaho na thelevishini i songo kunaho. Oo Mudzimu, zwithu zwo raloho zwi sa konadzei uri Mukriste a zwi sedze! Mudzimu, zwi a ri lwadza. Wo ri zwo U ita uri u Iwale, vhunga maťanza. Wo ri, "Mmbwa i ya maťanzani ayo, huno—huno nguluvhe ya mboho i ya u vhumbuluwani hayo." Mmbwa ya kale i do ḥanza tshiňwe tshithu. Vhonani mualuwa o bebwaho lwa hafu, a no tea u vha ene, muthu wa u hoya u da kha alitari, huno vhunga ni khou yo ḥanza shango; ni tshi kha di bvela phanda, vha a vhuya henefho huno vha la itsho tshithu hafhu. Oo Mudzimu, kunakisa Nndu Yau, Murena. Haleluya! Ruma Muya Mukhethwa u na thovhedzo yo raloho ya tshifhinga tsha kale ine ya do kunakisa lutamo lwa muthu huno ya kunakisa muya wawe, huno ya mu kunakisa nahone ya mu ita tshivhumbwa tshi yaho Tađulu. Mu nee... Ntswahfadza vhuswa hawé na miano yawe vhunga goni, uri a kone u gonya huno a fhire zwithu zwa shango, huno a flufhe Matađuluni hangei hune a nga vhona vhuleme vhu tshi da vhu tshee kule. Zwi tendele, Murena.

<sup>147</sup> Wo fanyisa vhaporofita Vhau na one, na magoni, e a vha e na ito la goni, a tshi kona u ya ntha-ntha huno a vhona zwithu lwa tshifhinga tshilapfu zwi sa athu swika henengei. Oo Mudzimu, fhatutshedza itsi tshivhidzo tshițuku. Fhatutshedza avha vhathe vha no da fhano. Fhatutshedza vhatinda vha re dzikhoroni namusi. Huno i ri vha zwi divhe zwauri uyu Mulaedza a wo ngo livhiswa kha vhuvha ha muthu, fhedzi wo livhiswa nga maanda-maanda, Murena, kha avho vha re na thodea ngangoho; ri tshi zwi divha zwauri nga linwe duvha ri fanela u ima rothe khatuloni ya Mudzimu, nahone ri tshi zwi divha uri ri do newa vhuđihinduleli ha u divha Ngoho huno ra sa I ambe. Khotsi, ndi a rabela uri Li do dzhiwa kha mbilu inwe na inwe. Dzinani la Yesu.

<sup>148</sup> Zwifhađuwo zwashu zwo kotama lwa tshifhinganyana, a thi divhi arali hu na muňwe fhano matsheloni a no do ri, "Mukomana Branham, ndi a lwala nahone ndo neta

nga izwi zwithu zwiṭuku zwa kale. Ndi na zwithu zwiṭuku two nembelelaho kha nne lwa tshifhinga tshilapfu. Nne—nne tshifhinga tshothe ndi amba ndi si kha diso. Nne—nne ndi khou ita zwithu zwine nda sa tee u zwi ita, huno ndi a zwi ḋivha. A zwi tei kha Mukriste. A thi ṭodi u ita hezwo; Mudzimu u a zwi ḋivha uri a thi iti. Nahone a thi tsha ṭoda u thetshelesa uyo maya wa kale. Ndi tshone tshithu tshe tsha ntsikeledzela fhasi vhutshiloni hanga hothe, kha u vha na lufuno lwa vhukuma na mboholowo kha Kristo. Ndi ṭoda ni tshi nthabelela, Mukomana Branham, uri tshi do—tshi do ntutshela ḥamusi.” Naa ni do imisa tshanda tshanu? Tshifhaṭuwo tshiñwe na tshiñwe tsho kotama. Mudzimu a ni fhaṭutshedze. Oo, nnene, zwanda zwa dazeni! Zwithu zwiṭuku zwa kale, zwithu zwiṭuku zwa kale zwi no ni ita uri ni ambe kana ni thome luñwe lushaka lwa u ḥa khani tshivhidzoni, zwa ni ita uri ni dzhie sia la tshiñwe tshithu tshiñwe-vho tsha u ralo. Oo, uho ndi u sa ofha Mudzimu. Uho ndi u lutana vhukati ha vharathu. Huno izwo ni songo zwi ita. A ni ṭodi hezwo. A ni ṭodi hezwo na zwithu zwiṭuku zwa kale, mbilwana ḥukhu dza kāle na tshiñwe na tshiñwe-vho, u ita uri ni dzule ni fhasi.

<sup>149</sup> I ri ni, “Mudzimu, a thi tsha ṭoda itsho tshithu. Ndi a lwala nahone ndo neta ngatsho. Nne ndo ḫilugisela u tshi ḥa ḥamusi. Nne ndi khou da zwino, Murena, huno ndi ṭodou ḥutshela kule ha vhutseda hanga hothe. Arali mukomana a sa mpfari zwavhuđi, ndi do mu rabelela naho two ralo. Arali khotsi anga vha sa mpfari zwavhuđi, ndi do vha funa naho two ralo. Arali mufumakadzi wanga a sa mpfari zwavhuđi, kana munna wanga, ndi do tshimbila, ndo ḫitukufhadza, phanda ha Mudzimu. Murena, ndi sedza fhedzi kha Muvhuso Wau. Ndi ṭoda ḥalukanyo yanga i tshi vha tswititi. Ndi ṭoda mbilu yanga yo ḥala dakalo. Ndi ṭoda u tshimbila, musi vhuleme vhu tshi ḥona zwa vhukuma u mona na nne, ndi kha di ṭoda u dzula zwanda zwanga zwi n̄ha na mbilu yanga yo ḥamba phanda Hau, Murena, ndi tshi zwi ḋivha izwi, zwauri nga ḥiñwe duvhā ndi do ḥanganana na Iwe. Ndi ṭoda ulwo lushaka lwa tshenzhemo. Murena, nnyite zwezwo, u bva duvhani ḥino.”

<sup>150</sup> Ni nga imisa tshanda tshanu, muñwe we a sa imise tshanda tshawe tshifhinganyana tsho fhiraho. Mudzimu a ni fhaṭutshedze. Mudzimu a ni fhaṭutshedze. Khaladzi, ri neenī tshuni ḥukhu musi ro kotamisa zwifhaṭuwo zwashu. Naa ni khou zwi amba zwingafhani? Ni songo tamba zwino. Itshi a si tshifhinga tsha u tamba. Itshi ndi tshifhinga tsha u ḥanganedza. Itshi ndi tshifhinga tshine na fanelu u ḥi wana. Idani, zwi khuthuleni zwa zwino. Naa ni do ralo? Idani, ḥekedzani zwothe zwine na vha nazwo kha Mudzimu. I ri ni, “Mudzimu, a thi na zwinzhi nga maanda. Ndi tou vha mufaramuṭa muṭuku. A thi koni u ita zwinzhi nga maanda, Murena, fhedzi ndi—ndi kona u vhala Bivhili Yau, ndi kona u rabela ḫuvha ḥiñwe na

liñwe. Ndi kona u posela nn̄da thukhwi yothe i re thalukanyoni yanga. Ndi kona u posela izwo zwithu zweñothe nn̄da. Nñe ndi na mulandu wa vhunzhi ha zwithu zwe mureri a amba matsheloni ano, ngauralo nne—nñe ndi khou zwi khuthula ñamusi. A thi zwi ḥodi. Mudzimu, nn̄dadze nga lufuno. Nndadze nga tshithu tshine tsha nnyita uri ndi fune swina livhi nga maändesa line nda vha nało. Zwa vhukuma ndi a tshi ḥoda, Murena.”

<sup>151</sup> Musi a tshi khou lidza hafha, naa ni nga si de zwino huno na ima kha alitari lwa tshifhinganya, musi ri tshi kuvhangana nga ipfi la thabelo. Arali ni tshi khou amba zwenezwo zwino, arali zwa vhukuma no lugela u zwi furalela, na kathihi ni nga si ḥutshele iyi alitari ñamusi ni na hezwo kha mbilu yanu, arali ni tshi do da ni tshi fulufhedzea. Huno na ri, “Nñe ndi khou da geno nthā u ima fhedzi, lwa tshifhinganya, Mukomana Branham, iina, musi ni na ipfi la thabelo na nne, nñe muñe.” Ndi—ndi ḥoda ni tshi da, na rabela. Naa ni do da zwino? Zwifhañtuwo zwañu zweñothe, ndi nnyi a no do takuwa huno a da kha alitari, a ima u mona na alitari?

U songo mphira, Oo Mutshidzi o vuðaho,  
Ipfa tshililo tsho ḥukufhalaho tshanga;  
Musi vhañwe U tshi vha vhidza,  
Oo, u songo mphira.

Mutshidzi, Mutshidzi,  
Ipfa tshililo tsho ḥukufhalaho tshanga;  
Musi vhañwe U tshi vha vhidza,  
Oo, u songo mphira.

<sup>152</sup> A hu londwi uri no no vha Mukriste tshifhinga tshingafhani, huno ni kha di vha na iyo mimuya miñuku ya kale i no amba na inwi, ya ni ita uri ni sokou sinyuwa, ya ni ita uri ni ambe nga ha muñwe. Musi muñwe a tshi da huno a thoma u amba nga ha muñwe muthu-vho, ni a vha tingisa nahone, oo, na sokou vha sasalandza. Izwo zwo khakhea, mukomana. Ni songo ita hezwo. Izwo mafhedziselonii zwi do ita uri ni vhe nn̄da ha Shango lo fulufhedziswaho. Arali ni tshi tou vha na zwithu zwiñuku zwa kale zwine na sa fanele u vha nazwo, arali lufuno lwa Mudzimu zwa vhukuma lu siho mbiluni yanu, naa a ni nga vhi mufumakadzi na munna, na da nthā huno na ri, “Mudzimu, henehafha nñe ndi khou yo zwi khuthula, matsheloni ano, henehafha. Nñe ndi khou ḥuwa kha iyi alitari ndi muthu o fhambanaho.” Naa ni do da?

<sup>153</sup> Naa hu na muitazwivhi a songo ḥanganedzaho Yesu na kathihi, huno ni a zwi divha uri ni muitazwivhi, a ni Mu divhi sa Mutshidzi wanu? Inwi ni ri, “Mukomana Branham, ee, ndo elekanya uri ndi na dakalo linzhi. Ndi ya mitshinoni na zwimimani na izwo zwithu zweñothe. Ndi sedza lushaka lwo khakheaho lwa dzishou. Nahone ndi—ndi vhala lushaka lwo khakheaho lwa litheretsha. Ndi vhala bugu dla kale dzine dla

vha na zwiṭori zwi semanaho ngomu hadzo. Ndi a vha na u diphina nga u dzi vhala.” Mukomana, hu na tshiñwe tsho khakheaho kha inwi. Itsho ndi lutamo lwaṇu; ni a vhona, ni ntendele u vhona zwine munna a vhala, na ntendela u vhona zwine a sedza, nda thetšelesa muzika une a u thetšelesa.

<sup>154</sup> Liñwe ḋuvha, ndi tshi khou ḍa nga goloi, muñwe muthu a hovhelela huno a funga radio yanga, luñwe lushaka lwa muzika u semanaho wa kale. Nda ri, “Dzimani itsho tshithu. A thi ḥodi u pfa hezwo.” Zwiñwe zwithu zwa kale zwa boogie-woogie.

Ha pfi, “Mulandu, ndi takalela u pfa hezwo.”

Nda ri, “Mvelo yaṇu yo khakhea. No khakha.”

<sup>155</sup> Musi ndo vha ndi nn̄da hafha, maduvha a si gathi nga murahu ha hezwo, n̄tha thungo ha thavha kana thungo ha muvhundu, ndi tshi khou rea khovhe, na muthu. Izwo zwiñoni zwiṭuku zwe vha zwi tshi khou imba. Larks zwe vha zwi tshi khou zhamba. Martingale zwa kale zwe vha zwi tshi khou fhufha n̄tha muyani, kana nightingale, tshi tshi khou imba dzithendo. N̄da zhambela uyo mutukana, nda ri, “Sedza, mutukana, uyo ndi muzika wanga. Dzula wo u funga. Iyo ndi radio yanga. Mudzimu u zwi rumela phasi uri zwi nnyimbele musi ndi fhano. U rudza maya wanga.”

<sup>156</sup> U khwine kha zwithu zwe the zwa kale zwi pengaho, idzi dzhuku-bogisi dza kale dzi khou vhomba, dzi khou bvela phanda, hune ni nga si vhuye na ḥa fhethu ha nnyi na nnyi. Ndi nn̄dyo ya Diabolo. Ndi thulwi ya Diabolo, yo tshikafhadzwaho tshothe nga tshivhi. Naa no nambatela nothe negeyo nn̄da huno ni diphina nga hezwo? Musi vha tshi dzhenisa iyo malí ngomu ha ayo mabogisi matuku a kale, huno izwo zwithu zwe the zwa tshika zwi tshi da, ni a diphina nga hezwo? Thoni kha inwi. Ni mugunei. Ni kułe na Mudzimu. A ni ḋivhi Mudzimu. Arali no ḋivha Mudzimu, nga u hangwelwa ha zwivhī zwaṇu, no vha ni sa nga thetšelesi vhuṭafuṭafu ho raloho unga hovho. Ho vha hu tshi ḫo vha ho faho kha inwi. No vha—no vha ni tshi ḫo ṭanza n̄gwa mbō waho. A ni vhu ḥodi. Nndyo yaṇu i khwine. Ni funa Mudzimu. Naa ni nga si de matsheloni ano, na gwadama phasi hafha na avha vha ḋibulaho matsheloni ano?

<sup>157</sup> Ngevha vhanna na vhasadzi vho gwadamaho henehafha, vho vhaho Mukriste lwa miñwaha. A thi vha iti uri vha sa vhe vhakriste. Fhedzi zwine nñe nda khou lingedza u zwi ita ndi u vha vhudza uri uyo diabolo, a no khou vha ḫupha, u khou vha bvisa kha Dakalo ḥo dalaho. Muya Mukhethwa ndi Dakalo. Ndi zwone, ndi karuwa ndo kambiwa, ndi ya vhulaloni ndo kambiwa, nñe ndo kambiwa ḋuvha ḥothe, ndo kambiwa vhusiku ḥothe. Oo, ndi tou—ndi tou zwi funa hezwo. Ndi ya u rea khovhe nga holu, “U songo mphira, Oo Mutshidzi o vuḍaho. Ipfa tshililo tsho ḥukufhalaho tshanga.” Ndi ya u zwima, nahone ndi tshi khou imba thendo dza Mudzimu. Ndi a rera, huñwe na huñwe

hune nda ya. Naa a ni ṭodi u vha nga iyo ndila? No dala Muya Mukhethwa, U a ni n̄ea nungo. Yawee, n̄nenne! Ni a v̄ha pfa vha tshi imba idzo nyimbo dla tshika dla kale? Ni nga lu imba:

Ndi ya Shangoni lo fulufhedziswaho,  
 Ndi ya Shangoni lo fulufhedziswaho;  
 Oo ndi nnyi a no ḍo da huno a ya na n̄ne?  
 Ndi ya Shangoni lo fulufhedziswaho.

Ndi ya Shangoni lo fulufhedziswaho,  
 Ndi ya Shangoni lo fulufhedziswaho;  
 Oo ndi nnyi a no ḍo da huno a ya na n̄ne?  
 Ndi ya Shangoni lo fulufhedziswaho.

Ndi ḍo swika lini vhuawelo ho  
 fhaṭutshedzwaho,  
 Huno na fhaṭutshedzwa lwa lini na lini!  
 Ndi ḍo vhona lini tshifhaṭuwo tsha Khotsi  
 anga,  
 Huno nda awela khanani Yawe?

Ndi ya Shangoni lo fulufhedziswaho,  
 Ndi ya Shangoni lo fulufhedziswaho;  
 Oo ndi nnyi a no ḍo da huno a ya na n̄ne?  
 Ndi ya Shangoni lo fulufhedziswaho.

<sup>158</sup> Naa a ni nga di, na ya? Ndi a elelwa musi vha no ṭodou swika madana maṭanu vhashu vho ima hangei musi ndo vha ndi tshi khou lovhedza vha dana na mahumi mayhili, tsini na tshino tshifhinga tsha n̄waha, hafha fhasi kha philiphili dla mulambo, musi iyo Naledzi ya Mutsho khulwane i tshi tsela fhasi i tshi penya mulamboni. Halementu! Ipfi li ambaho li tshi bva Khayo, la ri, “Nga liñwe duvha u do phaṭaladza Mafhungo-madifha kha shango loṭhe.” Naa mutukana wa mushai, mutuku, a sa divhi wa bulasini a nga vhuaya a ita izwo? Tshilidzi tsha Mudzimu! Amene.

<sup>159</sup> Oo, ndi nnyi a no ḍo da huno a ya? Sundani, vheani dubo, muhwalo muñwe na muñwe zwino. Ni songo thetshelesa iyo mimuya i kungaho. Idani, thetshelesani Ipfi la Mudzimu, U RALO MURENA! “Mashudu avho vhane vha pfa ndala na ḍora la u luga, ngauri vha do ḍadzwa.”

<sup>160</sup> Kha ri kotamise zwifhaṭuwo zwashu zwino musi ri tshi khou rabela na avha kha alit̄ari.

Vhana vha funwaho, ndi ṭoda ni tshi elelwa, matsheloni ano, ni heneffo u vhea muhwalo dubo. Ni heneffo u vhea dubo muhwalo muñwe na muñwe na tshivhi tshi no ni tanga nga ndila i leluwaho. Paulo o amba, kha Vhaheberu, ndima ya 12.

...ri tshi vhona uri rine...ro tangwa nga gole  
 lihulwane zwingafho la dzithanzi, kha ri vhee dubo  
 muhwalo muñwe na muñwe, na tshivhi...tshi no ri  
 tanga nga ndila i leluwaho,...

*Huno zwo engedzeaho ndi do amban? ngauri... tshifhinga tshi nga si...bula a Gidioni,...a Balaka, Baraka,...a Simisoni,...a Jafuta; a Dafita...a Samuele, na a vhaporofita:*

*Vhe nga lutendo vha kunda mivhuso, vha bveledza u luga, vha wana pfulufhedziso, vha thivha mulomo wa ndau,*

*Vha dzima vhuhali ha mulilo, vha ponyoka ḥodzi ya banga, vha si na nungo vha itwa vho khwāthāho, huno vha halifha...vha si na nungo...swina ṥa shavha...*

*Huno vhasadzi vha ṭanganedza vhafu vhavho vho dzamuluwaho...*

*Huno vhañwe vho ṭanganedza tshengelo, kholedzo ya tshītūhu na dzithamu,...hafhu, zwo engedzeaho u fhira izwi, dzimbofho na u valelwa dzhele:*

*Huno—huno vhañwe vhe vha vha na milingo...u holedzwa...u rwiwa...*

*...vhoṭhe vho wana muvhigo wavhuđi nga lutendo,...*

*Huno avha vhoṭhe, vho no wana muvhigo wavhuđi nga lutendo, a vho ngo ṭanganedza pfulufhedziso:*

*Mudzimu o ri disedza tshithu tsha khwine, uri vha si na riñe vha si kone u itwa vho fhelelaho.*

*Ngauralo-ha ri tshi vhona uri riñe...ro tangiwa nga gole ṣa dzīhanzi līhuluhulu, kha ri vhee dubo muhwalo muñwe na muñwe, na tshivhi...tshi no ri tanga lu leluwaho nga maanda, uri ri kone u gidima ri na vhusifhelambilu mbambe yo vhewaho phanda hashu,*

*Ri tshi sedza kha Yesu murangi na muvuledzi wa lutendo lwashu; we nga dakalo ṣe ṣa vha lo vhewa phanda hawe a kondelela tshifhambano, a nyadza ḥoni, huno...a dzula kha tshanda tsha u ṣa tsha khuluñoni ya Mudzimu.*

<sup>161</sup> Yesu, kha thabelo Yawe, o ri, “Khotsi, Ndi a Dikhetha.” Yesu u vha o khetheaho, kha Tshivhidzo. O vha a tshi nga di vha o mala, fhedzi Ho ngo zwi ita. U vha o khetheaho. O ri, “Vha khethefhadze, Khotsi, nga Ngoho. Ipfī Łau ndi Ngoho.”

<sup>162</sup> Zwino kha ri vhee dubo muhwalo muñwe na muñwe. Ni na mbilwana? Ni na tshiñwe tshithu nga ha inwi, tshi ni ita uri ni ambe musi ni songo fanela u amba? Oo Mudzimu! Tshi vheeni heneffho zwino. Tshi vheeni heneffho, sedzani Mulilo wa aliṭari u tshi tsa nahone wa tshi dzhia. Sedzani lufuno lwa Mudzimu lu tshi tshi ḥanzwa. Sedzani uvho vhutseda ḥoṭhe ha kale, ndila ye na vha ni tshi khou amba na mufumākadzi wañu ngayo, ndila ye na vha ni tshi khou amba na munna wañu ngayo, ndila ye

na vha ni tshi khou amba na mudzulatsini wañu ngayo, ndila ye na amba nga ha vhathu tshivhidzoni, i vheeni kha alitari matsheloni ano, huno Mulilo wa Mudzimu u do tsela fhasi huno wa i dzhia nga u t̄avhanya, huno lufuno lwa Mudzimu lu do duga vhudzuloni hayo.

<sup>163</sup> Ni na vhulwadze? Vhu vheeni kha alitari, ni ri, “Murena, ngovhu. Sika maya wo kunaho ngomu hanga. Sika maanda a phodzo ngomu hanga.” Vhonani zwine Mudzimu a do ita. Mudzimu u do zwi ita matsheloni ano.

<sup>164</sup> Khotsi washu wa Tadulu, ri kotama Vhuhoneni Hau, u itela avho vha re kha alitari. I ri tshilidzi Tshau tshi vhe kha muñwe na muñwe wawho, Khotsi. Zwino vha tshi . . . Murena, ndi nga si kone u vha itela zwone. Vha tea u zwi ita vhone vhané. A hu na muthu ane a nga vha itela zwone. Vha tea u zwi ita vhe vhothe. I ri mimuya yavho zwino i ambe ngomu ha vhone vhané, “Oo Mudzimu, iyi mbilwana, ndi i vhea afha fhasi, Murena. Ndi nga si i dobe na kathihi. A hu londwi tshine tsha da kana tsha tuwa, ndi do tshi tendela u tuwa, u bva zwino u ya phanda. Ulu lulimi lwanga lwe zwa leluwa u dzhia sia na tshivhalonyana tsha zwiombo, Murena, nne ndi lu vhea afha fhasi. A thi nga lu dobi hafhu na kathihi. Khethefhadza lulimi lwanga, Murena. I ri ndi pfe Vharuňwa vha tshi fhira, vhunga Yesaya o ita musi o ri, ‘Nne ndi wa milomo i songo kunaho. Khombo kha nne!’” Huno Muruňwa o da, a dzhia lumano, huno a ya kha alitari huno a wana masimbe a Mulilo, huno a a vhea kha milomo yawe huno a mu khethefhadza. Mudzimu, khethefhadza muambi muñwe na muñwe, matsheloni ano, a no amba nga ndila yo khakheaho nahone a zwala u luťanya. Zwi tendele, Murena.

<sup>165</sup> Malwadze othe o kotamaho haffa ngomu ha itsi tshifhato, vhathu vha lwalaho, vha tshi zwi diyha uri ndi one vhodiabolo, na one-vho. Mudzimu, sa mulanda Wau, ndi a a kaidza, Dzinani la Yesu. Ngavhe a tshi bva kha muthu muñwe na muñwe a no lwal. Huno ngavhe muthu muñwe na muñwe a songo kunaho, a re na mihumbulo i songo kunaho, ya u semana, nyemulo, vhanna na vhasadzi, u fana, Mudzimu, i bvise khavho. Avha vhothe afha vha khou lingedza u litsha dzisigarete, na zwinwiwa zwičuku zwa matshilisano, na zwimima zwičuku, na zwithu zwa tseda; Mudzimu, nea mibil yavho nungo nga Muya Mukhethwa nga ndila ine izwo zwithu zwa si tsha do vha na luñwe lutamo-vho. A i nga vhi na lufhera; no qala Muya Mukhethwa nga maanda, u bva henefho u ya phanda.

<sup>166</sup> Mudzimu, ita itsi tshivhidzo tshičuku tshičaka tshi dugaho. Tshi ite fhethu ha Muya Mukhethwa, tshi ite Mulilo u dugaho, uri shango li kone u rembulutshela thungo u vthona vhugala ha Mudzimu. Mudzimu, thoma nga itsi tshidalatshanda tshičuku tsha vhathu, vha mađana mavhili afha matsheloni ano. Zwi tendele, Murena.

<sup>167</sup> Tambisa mbilu iñwe na iñwe, Mumethodisi muñwe na muñwe, Mubaphuthisi muñwe na muñwe, Mukatolika muñwe na muñwe, Mupuresbiterieni muñwe na muñwe, Mupentekostała muñwe na muñwe. Murena, zwi bvise mbiluni yavho, huno u vha tendele u da kha Iwe ñamusi. Zwi tendele, Khotsi. Ndi a vha nekedza kha Iwe, nahone nda vha kumedzela kha Iwe, Dzinani la Yesu Kristo, u itela u kunakiswa ha mimuya yavho na u fhodzwa ha muvhili wavho. Amene.

<sup>168</sup> A thi ñivhi, kha alitari, no sia muhwalo wanu? Naa ni a pfa unga u heneffho? Arali ni tshi pfa uri u heneffho, inwi ni vhe muhatuli. Ndi inwi a no khou rabela. Ndo ita zwa u rera. Ni khou ita zwa u rabela. Naa muhwalo wanu wo siwa heneffho, mukomana, khaladzi? Naa ni nga kona zwa vhukuma u u sia heneffho? Arali ni tshi kona, imisani tshanda tshañu, ni ri, “Ee, Mudzimu, zwino ndi u sia hafha. Phambano yanga, ndi do i sia afha kha alitari.” Mini-ha nga hayo, fhasi magumoni a alitari afha, kha tsha u la tshanga, mufumakadzi? Naa ni nga kona u i sia heneffho? Naa ni nga sia uyo muhwalo wa kale heneffho? I ri ni, “Ee, lutendo lwanga lu sedza kha Iwe, Iwe Ngwana ya Khalivari.” Musi roþhe ri tshi lu imba roþhe zwino.

Lutendo lwanga lu sedza kha Iwe,  
Iwe Ngwana ya Khalivari,  
Oo Mutshidzi Mukhethwa;  
Zwino mpfe ndi tshi rabela,  
Tusa mulandu wanga,  
Oo ntendele u bva duvhani lino  
U vha Wau tshoþhe!

<sup>169</sup> Kha ri ime nga milenzhe yashu, ri na khuliso zwa vhukuma, muñwe na muñwe. Zwino thetshelesani nga vhuronwane, muñwe na muñwe zwino. Hu songo vha na ane a tuwa. Itonu... Tshumelo a yo ngo fhela. Ndi þoda ni tshi wana iyî khethefhadzo þukhu, u khethea huþku.

Musi ndi tshi kanda gondo litswu la vhutshilo,  
Huno maþungu a tshi ntingaledza,  
Ivha Muendedzi wanga;  
Shandukisa swiswi li vhe duvha,  
Fhuluþa miþodzi ya vhuþungu,  
Huno u bva duvhani lino ntendele  
U vha Wau tshoþhe!

Ni songo lu imbelo mudzulatsini wanu zwino. Bonyani maþo anu, huno kha ri lu imbe nga u ongolowa, ri tshi imisela zwanda zwashu ha Mudzimu.

Musi ndi tshi kanda gondo litswu la vhutshilo,  
Huno maþungu a tshi ntingaledza,

Ivha Muendedzi wanga;  
 Shandukisa swiswi li vhe duvha,  
 Fhuluṭa miṭodzi ya vhuṭungu,  
 Kana wa ntendela u vhuya nda pambutshela  
 U bva kha Iwe.

Ndi na Khotsi hangei,  
 Ndi na Khotsi hangei,  
 Ndi na Khotsi hangei,  
 Kha vhuñwe vhugabelo.

Oo, liñwe duvha li penyaho ndi do ya huno nda  
 Mu vhona,  
 Liñwe duvha li penyaho ndi do ya huno nda Mu  
 vhona,  
 Liñwe duvha li penyaho ndi do ya huno nda Mu  
 vhona,  
 Kha vhuñwe vhugabelo.

Oo, ilo duvha li penyaho li nga di vha matshelo,  
 Ilo duvha li penyaho li nga di vha matshelo,  
 Ilo duvha li penyaho li nga di vha matshelo,  
 Kha vhuñwe vhugabelo.

<sup>170</sup> A thi ðivhi zwino, naa ndi vhangana vha re na khotsi kha ilo liñwe Shango? Kha ri vhone tshanda tshanu. Naa ndi vhangana vha re na mme kha ilo liñwe Shango? Kha ri vhone tshanda tshanu. Naa ndi vhangana vha re na Mutshidzi kha ilo liñwe Shango? Kha ri vhone tshanda tshanu.

Uyo a u nga vhi mutangano wa dakalo!  
 Uyo a u nga vhi muṭangano wa dakalo!  
 Uyo a u nga vhi muṭangano wa dakalo!  
 Kha vhuñwe . . .

<sup>171</sup> Ndi ṭoda ni tshi ita tshiñwe tshithu. Zwino musi ri tshi lu imba ulwo hafhu, ndi ṭoda ni tshi khaḍana na muñwe o imaho tsini hanu, huno na ri, “Mukomana, khaladzi, nthabeleleni, uri ndi do ṭangana na inwi kha ilo liñwe Shango.” Ni songo zwi ita nndani ha musi ni tshi khou tou zwi amba. Naa ndi vhangana vha no ṭoda u ṭangana? Naa ndi vhangana vha no ṭoda u ṭangana na muñwe na muñwe a re fhano, Hangei? Riñe, ngoho ri ralo. Zwino kha ri tou khadana, huno ri ri, “Ndi ṭoda u ṭangana na inwi, mukomana. Ndi ṭodou tangana na inwi kha ilo liñwe sia.” Zwino musi ri tshi imba holu, “Ndi na Mutshidzi hangei.” Zwo luga.

Ndi na Mutshidzi hangei,  
 Ndi na Mutshidzi hangei,  
 Ndi na Mutshidzi hangei,  
 Kha vhuñwe vhugabelo.

Oo, liñwe duvha li penyaho ndi do ya nda Mu  
 vhona,  
 Liñwe duvha li penyaho ndi do ya nda Mu  
 vhona,

Liñwe ḋuvha li penyaho ndi ḋo ya nda Mu  
vhona,  
Kha vhuñwe vhugabelo.

<sup>172</sup> Naa izwo a zwi ni iti uri ni pfe ni wavhuđi nahone no luga?  
“Yesu, nnzudze tsini na tshifhambano.”

Yesu, nnzudze tsini . . .  
Hu na tshisima tshavhudi,  
Tsha fhedzi kha vhothe, mulambwana u  
fhodzaho,  
U elelaho u tshi bva tshisi- . . . tsha Khalivari.

Muthu muñwe na muñwe imisani tshanda tshañu zwino.

Tshifhambanoni, tshifhambanoni,  
Ivha vhugala hanga nga misi;  
U swika myua wanga wo takulelwaho n̄tha u  
tshi wana  
Vhuawelo nga phanda ha mulambo.

Tshifhambanoni, tshifhambanoni,  
Ivha vhugala hanga nga misi;  
U swika myua wanga wo takulelwaho n̄tha u  
tshi wana  
Vhuawelo nga phanda ha mulambo.

Ndi a Mu funa, ndi a Mu funa  
Ngauri O mpfuna u thoma  
Huno a renga tshidzo yanga  
Kha Khalivari.

Thendo kha Mudzimu!

<sup>173</sup> Kha ri kotamise zwifhađuwo zwashu zwino ro fhumula. Huno nga ndila i funeaho yashu, kha ri tou Mu renda zwanda zwashu zwi n̄tha, ri tshi ri, “Ndi a U livhuwa, Murena, nge wa tshidza myua wanga. Ndi a U livhuwa, Murena, nge wa nnyita uri ndi fhole. Ndi a U livhuwa, Murena, kha zwothe zwe Wa ita, zwi tshi qisa phuluso i ḋifhaho, zwi tshi qisa tshidzo ya fhedzi. Ndi a U livhuwa, Murena.” Ri U nea uyu munikelo wa ndiyhuwo. Ri a U renda ngauri U funea nga maanda. U Volenga la Govha, Naledzi ya Mutsho, Dzuvha la Sarone, Žwothe-kha-Zwothe. U Khotsi, Murwa, Myua Mukhethwa; We a vha e Hone, A re Hone, nahone a no Do Da; Alifa muhulwane, Omega. U Uyo a Mangadzaho, Mukololo wa Mulalo, Mudzi na Dadzwane la Dafita. U Zwothe! Huno ri a U livhuwa, Murena, kha zwothe zwe Wa ita. Ri a U livhuwa nga Ipfi Lau, ngauri Lone ndi Tshedza kha ndila yashu. Oo, ri a rabela, Murena, urí U do ri tendela u tshimbila Tshedzani. Zwi tendele, Khotsi. Dzinani la Yesu Kristo. Amene.

Zwo luga. Musi ri tshi dzula fhasi lwa tshifhinganyana. “Ri ḋo tshimbila Tshedzani.”

Ri ḍo tshimbila Tshedzani, Tshedza tsho  
nakaho,  
Ida hune marotha a nwando a khathutshelo a  
penya;  
Penya hoṭhe u mona na riṇe, masiari na  
vhusiku,  
Yesu, Tshedza tsha . . .

<sup>174</sup> Idani, vhakhethwa, kha ri lu imbe zwino!

Ri ḍo tshimbila Tshedzani (u ṭamba,  
vhukhethwa), Tshedza tsho nakaho,  
Ida hune marotha a nwando a khathutshelo a  
penya;  
Penya hoṭhe u mona na riṇe, masiari na  
vhusiku,  
Yesu, Tshedza tsha shango.

Idani, Mu buleni sa Khosi yanu,  
Yesu, Tshedza tsha shango;  
Zwenezwo tsimbi dza Taqulu dici ḍo lila,  
Yesu, Tshedza tsha shango.

Muñwe na muñwe!

Ri ḍo tshimbila Tshedzani (Tshedza kha ndila  
yanga), Tshedza tsho nakaho,  
Ida hune marotha a nwando a khathutshelo a  
penya;  
Penya hoṭhe u mona na riṇe, masiari na  
vhusiku,  
Yesu, Tshedza tsha shango.

<sup>175</sup> Naa a lu ni iti uri ni pfe ni wavhuḍi? Naa ndi vhangana vha  
no pfa vhe vhavhuḍi? Itomu imisa tshanda tshaṇu zwino, ni ri,  
“Ndi pfa ndi wavhuḍi vhukuma.” Muya Mukhethwa wo ni hwaya  
tshoṭhe. Zwenezwo ri ḍo (mini?) tshimbila Tshedzani. Ni songo  
thetshesela naho hu tshini . . . Naa Tshedza ndi mini? “Ipfi Lau  
ndi Luvhone.” Ngauralo-ha:

Ri ḍo tshimbila Tshedzani itshi, ndi Tshedza  
tsho nakaho,  
Tshi da hune marotha a nwando a  
khathutshelo a penya;  
Penya hoṭhe u mona na riṇe, masiari na  
vhusiku,  
Yesu, Tshedza tsha . . .

<sup>176</sup> Zwino, naa izwo a zwi mangadzi? Hu vhonala hu tshi tou nga  
ri nga si tou vala. Muya Mukhethwa u tshi khou tou ri faresa! Naa  
a ni pfi nga iyo ndila? Ndi tou pfa unga ndi nga si gume. Hu tou  
vhonala hu tshi nga ndi nga si kone.

Mafhungo-madifha a rotha malofha,  
 Malofha a vhafunziwa vhe vha fela Ngoho,  
 Aya Mafhungo-madifha a Muya Mukhethwa a  
 rotha malofha.

Wa u thoma u fela iyi pulane ya Muya  
 Mukhethwa,  
 O vha e Yohane Mulovhedzi, fhedzi o fa vhunga  
 muthu;  
 Ho mbo da Murena Yesu, vha Mu vhamba,  
 O rera uri Muya u do tshidza vhathu tshivhini.  
 Hu na Petro na Paulo, na Yohane mukhethwa,  
 Vho nekedza vhutshilo havho uri aya  
 Mafhungo-madifha a kone u penya;  
 Vho vanga malofha avho, vhunga vhaporofita  
 vha kale,  
 Uri Ipfia la Mudzimu la ngoho li ambiwe nga u  
 fhulufhedzea.

Zwenezwo vha kanda Stefano, o rera a lwa na  
 tshivhi,  
 A vha sinyusa nga maandja, vha kwashekanyela  
 thoho yawe ngomu;  
 Fhedzi a fa e Muyani, a nekedzela muya,  
 Huno a ya a vha murado na vhañwe, ayo  
 magogo a neaho vhutshilo.

A dzulela u rotha malofha, ee, A rotha malofha,  
 Aya Mafhungo-madifha a Muya Mukhethwa a  
 rotha malofha,  
 Malofha a vhafunziwa vho felaho Ngoho,  
 Aya Mafhungo-madifha a Muya Mukhethwa a  
 dzulela u rotha malofha.

Thetshelesani!

Hu na mimuya fhasi ha alitari, i khou lila, "Naa  
 u swika lini?"  
 Uri Murena a phanishe avho vho khakhaho;  
 Fhedzi hu khou yo vha na vho engedzeaho vha  
 no do nekedza malofha a vhutshilo havho  
 U ifela aya Mafhungo-madifha a Muya  
 Mukhethwa na mudalo mutswuku Wao.  
 A dzulela u rotha malofha, haleluya, A rotha  
 malofha,

Ndi todou vha muñwe wavho.

Mafhungo-madifha a Muya Mukhethwa, A  
 rotha malofha,  
 Malofha a vhafunziwa vho felaho Ngoho,  
 Aya Mafhungo-madifha a Muya Mukhethwa a  
 rotha malofha.

<sup>177</sup> Ndi ḋo takalela u ṭuwa heneffa kha phuluphithi. Amene. Oo, zwi mangadza hani! Vharathu vhanga vha nekedza malofha a vhutshilo havho. Hu khou yo vha na vho engedzeaho vha no ḋo ita zwenezwo zwithihi. Ni songo vhilaela. Zwi khou ḋa kha makhaulatshelle hu si kale nga maanda. Inwi ni ḋo dzhena kana na bva. Vha khou ṭumana vhothe zwino kha Khoro ya Zwivhidzo, huno vhothe vha khou dzhena ngomu. Vha khou vhumbana vhothe.

Huno hu khou yo vha na vho engedzeaho vha  
no ḋo nekedza malofha a vhutshilo havho,  
U itela aya Mafhundo-mađifha a Muya  
Mukhethwa na muđalo Wao wa u kunakisa.

A rotha malofha, ee, A a rotha, (Oo, haleluya!)  
Aya Mafhundo-mađifha a Muya Mukhethwa a  
rotha malofha,  
Malofha a vhafunziwa vho felaho Ngoho,  
Aya Mafhundo-mađifha a Muya Mukhethwa, A  
rotha malofha.

<sup>178</sup> Nnenne! Ndi pfa unga U Takulelwa ṭadulu hu tou vha nga n̄tha ha tshividzo. Oo, hu tou nnyita uri ndi pfe ndi wavhud̄i nga maanda! Zwivhi zweithe zwi fhasi ha Malofha. Ni a vhona, Muya Mukhethwa u takalela Ipfi. Ipfi ndi tshire Muya Mukhethwa wa ḋikanzwa ngatsho, ni a vhona. Yawee, nnenne! U tsela fhasi huno wa dzhena vhukati ha vhathe, wa kunakisa zwivhi zwavho, wa ṭusa vhulwadze havho, wa ṭusa mutsiko wavho. Zwino ndo kambiwa, u tou kambiwa u ya nga hune ndi nga vha ngaho, ndo kambiwa kha Muya, lufuno lu khou bva mibiluni yanga. A hu londwi zwe muñwe muthu a vhuya a ita, zwe hangwelwa. Swina lanu lo vhifhesaho, zwe fhela. Muñwe muthu o vhuya a amba kana a ri tshiñwe tshithu, arali ndo... zwe luga, ndo... zwine zwa vha uri zwe ṭuwa zweithe, zweithe zwe kuniswa zwino.

Huno A rotha malofha, ee, A rotha malofha,  
Mafhundo-mađifha a Muya Mukhethwa a  
rotha malofha,  
Malofha a vhafunziwa vho felaho Ngoho,  
Aya Mafhundo-mađifha a Muya  
Mukhethwa . . .

Yawee, nnenne! Zwi mangadza hani!

Tshifhinga tshi mangadzaho-de tshanu,  
Tshifhinga tshi mangadzaho-de tshanga;  
Arali rōthe ri tshi ḋilugisela u ṭangana na Yesu  
Khosi yashu,  
Tshi ḋo vha tshifhinga tshi mangadzaho.  
  
Tshifhinga tshi mangadzaho tshanu,  
Tshifhinga tshi mangadzaho tshanga;

Arali rōthe ri tshi dilugisela u ḥangana na Yesu  
 Khosi yashu,  
 Tshi do vha tshifhinga tshi mangadzaho.

Ni a lu takalela ulwo? Muñwe na muñwe, idani!

Oo, tshifhinga tshi mangadzaho tshanu,  
 Tshifhinga tshi mangadzaho tshanga;  
 Arali rōthe ri tshi dilugisela u ḥangana na Yesu  
 Khosi yashu,  
 Tshi do vha tshifhinga tshi mangadzaho.

<sup>179</sup> Ndi tou pfa unga mvuseledzo ya tshikalekale i tshivhidzoni.  
 A ni ralo? Hu tou vha u kunakisa ha kale, u hwaya; tshifhinga tshavhudi, tsha kale tshi mangadzaho. Naa a ni dipfi ni wavhudī? Oo!

Ndi do Mu renda, ndi do Mu renda,  
 Rendani Ngwana yo vhulahelwaho  
 vhaitazwivhi.

Kha ri lu imbe zwino, muñwe na muñwe. Ni a lu divha? Ndi a lu divha. Idani ngeno; ni mpfarise u lu ranga phanda, Murathu Neville. Huno vhoiñwi nōthe, rōthe zwino, kha ri tou imisa zwanda zwashu, lu imbeni na nñe zwino, zwino, matsheloni ano.

Rendani Ngwana yo vhulahelwaho  
 vhaitazwivhi;  
 I neeni vhugala, vhoiñwi vhathe nōthe,  
 Ngauri Malofha Awe o ḥanzwa dondo linwe na  
 linwe.

<sup>180</sup> Zwino, muñwe na muñwe, idani!

Ndi do Mu renda, ndi do Mu renda,  
 Rendani Ngwana yo vhulahelwaho  
 vhaitazwivhi;  
 I neeni vhugala vhoiñwi vhathe nōthe,  
 Ngauri malofha Ayo o ḥanzwa dondo linwe na  
 linwe.

Amene. Ulwo lu a mangadza?

Muđi wa perela mutshena,  
 Ndi na nn̄du, harepa, na khare;  
 Zwino ndo lindela, ndo sedza nahone ndi khou  
 rabelela,  
 Muđi mutshena we Yohane a u vhona u tshi tsa.

<sup>181</sup> Amene. Zwi a mangadza! Oo! Zwino kha ri ime nga milenzhe yashu, muñwe na muñwe. Ndi fhulufhela uri ni khou dipfa zwavhudī. Elelwani dzitshumelo madekwana a ñamusi. Zwino ri toda u imba luimbo lwashu lwavhuđi, lwa u balangana lwa kale.

Kha Dzina la Yesu ro kotama,  
 Ri tshi gwadama milenzheni Yawe,  
 Khosi ya dzikhosi Tadulu ri do I nea khare,  
 Musi lwendo lwashu lwo no guma.

Zwo luga. Muñwe na muñwe zwino, rothe. Zwo luga.

Kha Dzina la Yesu ro kotama,  
Ri tshi gwadama milenzheni Yawe,  
Khosí ya dzikhosi Tađulu ri do I nea khare,  
Musi lwendo lwashu lwo no guma.

Dzina lavhudí (Dzina lavhudí), Oo li difha  
hani! (Oo li difha hani!)

Fulufhelo la lifhasi na dakalo la Tađulu;  
Dzina lavhudí (Dzina lavhudí), Oo li difha  
hani! (Oo li difha hani!)

Fulufhelo la lifhasi na dakalo la Tađulu.

<sup>182</sup> Matsheloni a mangadzaho zwingafha! Tshifhinga tshi mangadzaho zwingafha! Kha ri kotamise zwifhađuwó zwashu zwino lwa tshifhinganyana. Muñwe na muñwe kha sedze tswititi kha Kristo zwino, Mutshidzi wanu. Nga ndila yo fhumulaho, ndi ṭođa ni tshi Mu nea dzindivhuwo ná thendo. I ri ni, “Murena, ndi a U livhuwa nga maanda nge wa khethefhadza maya wanga. Ndi a U livhuwa nga maanda kha zwe Wa nnyitela zwone. Tendela Muya Wau u vha kha nné duvha lothe, Murena. Nnyendedze. Nndaedze. Mphađutshedze.” Mudžimu kha tendele iyo phađutshedzo kha inwi, ndi thabelo yanga.

Zwino musi ri tshi kotamisa zwifhađuwó zwashu, Murathu Neville, inwi ni ri balanganya nga ipfi la thabelo.



*MIMUYA IKUNGAHO* TSV55-0724  
(Enticing Spirits)

Hoyu Mulaedza nga Mukomana William Marrion Branham, u rangani wo newa nga Tshiisimane nga matsheloni a Swondaha, Fulwana 24, 1955, Thaberenakeleleni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ɬhalutshedzo ya Tshivenđa yo gandiswa huno ya phaqladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)